



共四十二
外科心法

回之七

中藏
外科
35



門
584
卷

外科心法卷之四

薛氏醫譜

吳郡薛 已著

新都吳玄有校

瘡瘍作渴

開化吾進士年三十面患瘡已潰作渴白服托裡及降火藥不
應予診其脈浮而弱丹溪云潰瘍作渴屬氣血俱虛沉脈浮弱
投以參耆各三錢歸朮熟地各二錢數服渴止又以八珍湯加
黃耆數劑脈斂而愈予治瘡瘍作渴不問腫潰但脈數發熱而
渴以竹葉黃耆湯治之脈不數不發熱或脈數無力而渴或口
乾以補中益氣湯若脈數而便秘以清涼飲尺脈洪大按之無
力而渴以加減八味丸並効若治口燥舌黃飲水不歇此丸効
一男子渴後背發疽未潰脈數無力此陰虛火動用加減八味

薛氏醫譜

外科心法卷之四

一

盈六五

九吸咀二劑稍緩次用丸劑而愈葉司訓腦患疽亦作渴脈雖
洪按之無力以此藥治之不信自用滋陰等藥愈甚七惡併至
而歿精要云患疽之人雖云有熱皆因虛而得之愈後發渴及
先渴而後疽非加減八味丸不能治

一男子年踰五十腋下患毒瘡口不合右關脈數而渴此胃火
所致用竹葉黃芪湯遂止再用補氣藥而愈嘗治午後發渴或
發熱用地骨皮散亦効

一男子患痔漏口乾胃脈弱此中氣不足津液短少不能上潤
而然以黃芪六一湯七味白朮散治之或曰諸痛痒瘡皆屬心
火遂服苦寒之藥大便不禁而歿夫諸痛痒瘡皆屬心火言其
常也始熱終寒則反常矣可泥此而不察乎

李氏論人病疽多有愈後發渴而不救者治之惟加減八味丸

最妙疽安而渴者服此丸則渴止疽安而未渴者預服此丸則
永不生渴氣血加壯或未發疽而先發渴者服此不惟渴止疽
亦不作又云一貴人病疽未安而渴作一日飲水數升予以加
減八味丸治之諸醫大笑云此能止渴我輩當不復業醫皆用
木瓜紫蘇烏梅人參茯苓百藥煎等劑服多而渴愈甚不得已
用此藥三日渴止久服遂不復渴飲食加倍健於少壯蓋此藥
非出鄙見自為兒時聞先君言有人病渴用渴藥累年不愈一
名醫使服此藥不半年而愈其疾本以腎水枯竭不能制火心
火上炎是以生渴此藥降火為最降心火生腎水親用之嘗驗
患者當知所鑒

詳見外科精要

瘡瘍便秘

傅允承母年踰七十腰生一癩作痒異常疑虫蝨所毒診脈浮

李氏醫案

外科心法卷之四

二

盈六六

數齊氏云浮數之脈而反惡寒瘡疽之謂也又云外如麻裏如瓜疽毒在內翌日復診脈乃弱予謂未潰而脈先弱何以收斂况大便不通則真氣已竭治之無功其子固請不得已用六君子湯加藿香神曲飲食漸進大便始通更用峻補之劑潰而膿清作渴再用參芪當歸熟地黃麥門冬五味子而渴止允承喜曰吾母可無虞矣予謂不然不能收斂先入之言也彼疑遂速他醫果不起

浙江俞上舍年五十患癰將痊大便閉澀服芥連等藥反廢飲食予用益氣血之劑加桃仁蘇仁亦未効更以猪胆汁一碗納谷道始効更以養血氣藥而平原病式云諸澀枯涸皆屬於燥燥者火之氣病後血衰故大便閉澀宜以辛甘之藥潤之如用寒苦之藥則胃氣伐矣若老弱或產後而便難者皆氣血虛

肥汁最効尋常上部枯燥者以酒調服亦佳

膿熟開遲

蘇州施二守悌項下患毒膿已成因畏針焮延至胸赤如霞其脈滑數飲食不進月餘不寐甚倦予密針之膿出即睡覺而思食用托裏藥兩月餘而愈又一人患此及時針刺數日而愈劉

重素虛患此不針潰透頰頰氣血愈虛竟不救
廣東王上舍患附骨癰畏針不開腎膝通潰脈數發渴煩燥時嗽飲食少思齊氏曰瘡瘍煩燥時嗽腹痛渴甚或瀉利無度或小便如淋此惡證也膿出之後若脈洪數難治微瀉遲緩易治遂刺之膿出四五碗許即服大劑參芪歸木翌日脈稍斂更以八珍湯加五味麥門肉桂白斂三十餘劑脈緩膿稠三月而愈王太守宜人患發背膿熟不開昏悶不食此毒入內也斷不治

強之針膿碗許稍蘇須臾竟亡大抵血氣壯實膿自湧出老弱之人血氣枯槁必須迎而奪之順而取之若毒結四肢砭刺少緩腐潰深大亦難收斂痛結於頰項胃腹緊要之地不問壯弱急宜針刺否則難治

梁閣老孫甫周歲項患胎毒予俟其有膿刺之膿出碗許乳食如常用托裏藥月餘而愈斬閣老子亦患此待膿自出幾至不救吾鄉徐內翰子患痘毒及時針刺毒不內侵數日而愈大抵古人制法淺宜砭而深宜刺使瘀血去於毒聚之始則易消況小兒氣血又弱膿成而不針砭鮮不斃矣

一老人腿患附骨疽腫硬大按方痛口乾脈弱腫聚不潰飲食少思予謂腫下而堅者發於筋骨皮色不變者發於骨髓遂以參耆等藥托之三十餘劑膿雖熟不穿予謂藥力難達必須針刺不聽至旬日方刺之湧出清膿五六碗許然衰老之人氣血不足養毒又久竟不治大抵瘡疽旬日不退宜托之有膿刺之有腐肉取之虛則補之此十全之功也

滕千兵年踰五十臀患癰膿熟不開攻通大肛膿從大便而出予辭不能治果斃丹溪云臀居小腹之後陰中之陰也道遠位僻血亦罕周中年後尤慮患此況膿成不刺欲不亡得乎

腐肉去遲

鄭揮使年踰五十患發背形證俱虛用托裏藥而潰但有腐肉當去彼懼不肯延至旬日則好肉皆敗矣雖投大劑毒甚竟不救古人謂壞肉惡於狼虎毒於蜂螫緩去之則戕賊性命信哉

陰證似陽

舉人潘先甫年踰四十患腦疽腫焮診其脈沉靜予謂此陽證

陰脉斷不起已而果然蓋瘡疽之證雖屬心火尤當分表裏虛實果元氣充實內有實火者寒劑或可責効若寒涼過度使胃寒脾弱陽證變陰或結而不潰或潰而不斂陰陽乖戾水火交爭死無日矣

陽瘡似陰

太監劉關患發背予奉 旨往治腫痛色紫診其脉息沉數陳良甫云脉數發熱而痛者發於陽也且瘡瘍赤甚則紫即火極似水也詢之嘗服透骨丹半載乃積溫成熟所致遂以內疎黃連湯再服稍平更用排膿消毒藥及猪蹄湯太乙膏而愈經曰色與脉當相參應治之者在明亢害承制之理陰陽變化之機焉耳

用藥生肌

姑蘇黃汝耘年踰五十患發背用生肌藥太早背竟腐潰更甚瀉脉微緩予以二神丸先止其瀉次以大補藥治之用猪蹄湯洗淨以黃耆末填滿患處乃用膏藥喜其初起時曾用蒜灸故毒不內攻兩月而愈

許序班患發背十餘日瘡頭如粟許腫硬木悶肉色不變寒熱拘急脉沉實此毒在內也先以黃連內疎湯次用消毒托裏藥其毒始發奈欲速急用生肌劑患處忽若負重身如火焮後竟不起東垣云毒氣未盡不可用生肌藥縱得平復必再發若毒氣入腹十死八九大抵毒氣盡脾氣壯則肌肉自生生肌藥可弗用矣

毒入內

張宜人年踰六十患發背三日肉色不變頭如粟許肩背加重

寒熱飲冷脉洪數陳良甫云外如麻裏如瓜齊氏云增寒壯熱
所患必深又云肉色不變發于肉也予以人參敗毒散二劑及
隔蒜灸五十餘壯毒始發背始輕再用托裏藥漸潰顧氣血虛
甚而作渴參耆當歸熟地等藥渴亦止彼欲速自用草藥毒患
處毒氣復入遂不救嘗見老弱者患此瘡頭不起或堅如牛領
之皮多不待潰而死有潰後氣血不能培養者亦死凡瘡初潰
毒正發越宜用膏藥吸之參耆等藥托之若反以藥逼之使毒
氣內攻者必不救

智化寺一僧患瘡疥自用雄黃艾葉等藥燃于被中薰之翌日
遍身焮腫皮破水出飲食不入予投以解毒藥不應而死蓋藥毒
薰入腹內而散真氣其禍如此

喉閉 附諸骨腫并指麥芒在
喉及誤吞金銀銅錢

前田史侍御患喉閉以防風通聖散治之腫不能嚥予謂此症
須針乃可奈牙關已閉遂刺少商穴出血口即開更以膽礬吹
患處吐痰二碗許仍投前藥而愈嘗見患此疾者畏針不刺多

少商穴在手大指內
刺去爪甲如非此

于縣尹喉閉腫痛寒熱脉洪數此少陰心火少陽相火二經為
病其證最惡惟刺患處出血為上因彼畏針先以涼膈散服之
藥從鼻出急乃願刺則牙關已緊不可針遂刺少商二穴以手
勒去黑血口即開仍刺喉間治以前藥及金鑰匙吹之頓退又
以人參敗毒散加苓連玄參牛蒡子四劑而平經曰火鬱發之
謂發汗出血乃發汗之一端也河間云治喉閉之火與救火同
不容少怠常見喉閉不去血喉風不去痰以至不救者多矣每
治咽喉腫痛或生瘡毒以荆防敗毒散加苓連重者用防風通

聖散並效

杜舉人咽喉腫痛口舌生瘡先以清咽消毒散二服更以玄參升麻湯而愈

一男子年三十餘口舌常破如無皮狀或咽喉作病服清咽利膈散愈甚予以理中湯治之而愈

聘士王文遠咽喉腫痛口舌生瘡勞而愈盛以補中益氣湯加玄參酒炒知母黃柏治之而愈

一男子咽喉作痛午後尤甚以四物湯加酒炒黃柏知母桔梗治之而愈

治諸骨鯁象牙末吹患處或取犬涎徐徐嚥下立效治穀麥芒在咽不出取雞鵝涎含之立消

諸骨鯁用芋根搗爛凡如彈子大就將所鯁物煎湯化下又方

食橄欖或用核為末含之亦効

治誤吞金銀等物多食諸般肥肉膏滑自從大便出治誤吞銅錢用炭末白湯調服或多食蜜或飴糖自從大便出或多食葶藶或胡桃肉錢自消

治誤吞針用磁石如棗核大磨令光鑿一孔用線穿令含之針自口出

口齒咽喉并腎虛耳痛

太宗伯毛公齒痛胃脈無力用補中益氣湯加生地黃牡丹皮治之而愈

黨吏部頰頰腫焮至开齦右關脈數此胃經風熱上攻也以犀角升麻湯治之而消

郭職方齒腫痛焮至頰頰素善飲治以清胃散數劑而愈

一男子患齒痛服清胃散不應服涼膈散愈盛予用補腎丸治之而愈

一男子耳內出膿或痛或痒服聰耳益氣湯不應服防風通聖散愈甚予以補腎丸治之而愈

瘰癧

沈氏室患瘰癧久而不消自汗惡寒此氣血俱虛也遂以十全大補湯月餘而潰然堅核雖取而瘡口不斂更以豆豉餅仍與前藥加烏藥香附兩月而愈大抵堅而不潰潰而不合皆由氣不足也嘗見患此瘡者瘡口雖合而不加補往往變為瘰癧若發寒熱眼內有赤脈黃瞳子俱不治一脈者一年死二脈者二年死

一婦人因怒耳下腫痛以荆防敗毒散加連翹黃芩四貼而愈

嘗治此旬日不消者以益氣血藥及飲遠志酒其腫自消若無膿者亦自潰不戒忿怒者難治一婦人亦因怒耳下焮腫頭痛寒熱與荆防敗毒散加黃芩治之表證悉退但飲食少思日嘔發熱東垣云雖有虛熱不可太攻熱去則寒生也遂以小柴胡湯加地骨皮川芎當歸茯苓白朮陳皮十餘貼而愈次年春復腫堅不潰來索方予定八珍湯加香附柴胡地骨皮桔梗白製服之至六七劑以為延緩仍服人參敗毒散勢愈盛又服流氣飲則盜汗發熱口乾少食至秋復求治診視氣血虛極予辭不治果歿今人有瘡瘍不審元氣虛實病在表裏便服敗毒流氣藥殊不知敗毒散乃發表之藥果有表證亦止宜一二服多則元氣反損其毒愈盛雖有人參莫補流氣飲乃耗血之劑果氣結膈滿亦止宜二三服多則血氣愈傷反為敗症雖有芎歸難

以倚仗丹溪云此不係膏梁丹毒之變因虛勞氣鬱所致也
一婦人患癩癧不消膿清不斂予以八珍湯治之少愈忽肩背
痛不能回顧此膀胱經氣鬱所致當以防風通氣湯治之蓋膀
胱之脉始於目內眥上頂巔下耳角復上頂至腦後過風府下
項走肩膊一支下腰脊是經氣動則脊痛項強腰似折按此非
膀胱經證而何彼乃云癩癧膽經病也其脉主行項側即是經
火動而然遂自服清肝降火之藥反致不食痛盛復請予診其
脉胃氣愈弱先以四君子湯加陳皮炒芍藥半夏蒺藜荆子
四劑食進痛止繼以防風通氣湯二劑而愈又一婦流注瘻久
忽發熱乃虛也與補藥二劑不用另用人參敗毒散大熱而瘻
夫老弱之人雖有風邪亦宜以補中益氣湯治之况又非表證
而峻表不死何俟

田氏婦年踰三十患癩癧已潰不愈與八珍湯加柴胡地骨
枯草香附貝母五十餘劑形氣漸轉更與必效散二服瘻口遂
合惟氣血未平再用前藥三十餘劑而平後田生執此散不問
虛實槩以治人殊不知散中班荀性毒雖專治療癩多服則損
元氣若氣血實者先用此下之而投補劑或可愈若虛而用下
藥或追蝕藥癩肉雖去而瘻口不合反致難治
一男子因怒耳下及缺盆患癩潰延腋下形氣頗實瘻口不合
以散腫潰堅丸治之而愈又一婦患此氣血不弱亦服此丸其
核並消而瘻口不斂更以十全大補湯及多以豆豉餅始痊
廣東陳方伯子遠途勞倦發熱脉大無力耳下患腫此勞損症
也飲補中益氣湯自然熱退腫消若專攻毒則有虛虛之禍彼
不聽服降火藥及必効散果吐瀉不食而死夫人勞倦則損氣

氣衰則火旺火旺則乘其脾土故倦怠而熱此元氣傷也丹溪云宜補形氣調經脈其瘡自消不可汗下若不詳脈證經絡受病之異而輒下之鮮不危矣

汪中翰姪年及二十耳下患癰瘰疔左關脈數此肝經風熱所致以荆防敗毒散三貼表症悉退再與散腫潰堅丸月餘而復一婦年二十耳下結核經水每過期午後頭痛服頭風藥愈盛予以八珍湯加柴胡地骨皮二十餘劑而愈

楊文魁年踰三十每勞心過度頸腫發熱服敗毒散愈盛予以補中益氣湯數劑而消

流注

陳進士遂初年踰三十患腹腫硬踰年而瘡頭破時出血水此七情所傷榮氣絕於肉理而然名曰流注診之肝脈瀦蓋肝病

脈不宜瀦小腹正屬肝經須瀦脈退乃可愈予欲以甘溫之劑補其氣血令自消潰彼不信仍服攻伐之藥致氣血愈虛氣弱于金旺之月丹溪云諸經惟少陽厥陰之生癰疽宜預防之以其多氣少血也少血而肌肉難長瘡久不合必成敗症苟不知此輒用峻利毒藥以伐其陰分之血則其禍不旋踵矣一室女背髓結一核如錢大而不嫩但倦怠少食日晡發熱脈軟而瀦此虛勞氣鬱所致也予用益氣養血開鬱之藥復令飲人乳精神稍健彼不深信又服流氣飲飲食遂少四肢痿軟其父悔之復請予治予以為決不可起矣後果斃

一男子年三十餘歲素飢寒患右肋腫如覆瓢轉側作水聲脈數經曰陰虛陽氣湊襲寒化為熱熱甚則肉腐為膿即此證也及按其腫處即起是膿已成矣遂以濃煎黃耆六一湯令先飲

二鍾然後針之膿出數碗許虛症並至遂以大補藥治之三月餘而愈大抵膿血大泄氣血必虛當峻補之雖有他病皆宜緩治蓋元氣一復諸病自退若老弱之人不問腫潰尤當補也

一婦人左臂胃經部分結腫一塊年許不潰堅硬不痛肉色不變脈弱少食月經每過期日晡發熱遇勞或怒則痛此不足之症也遂與參耆歸朮川芎芍藥熟地黃貝母遠志香附桔梗牡丹皮甘草百餘貼而消大抵婦病多起於鬱鬱則氣血受傷百病生矣

一子年十九腰間腫一塊無頭不痛色不變三月不潰飲食少思肌肉日瘦此寒搏腠理榮氣不行鬱而為腫也名曰濕毒流注元戎云若人飲食踈精神衰氣血弱肌肉消薄榮衛之氣短促而滯滯故寒搏腠理閉鬱而為癰腫者當補之以接虛耗之

氣遂以十全大補湯加香附陳皮三十餘劑始針之遂出白膿二碗許仍用前藥倍加參耆及以豆豉餅灸之漸愈彼惑於速効者乃內服敗毒外貼寒涼藥反致食少膿稀患處色紫復請予治喜得精氣未喪仍以前藥加遠志貝母白斂百劑而愈此瘡若久而不愈或膿水清稀者當以內塞散服之及附子餅灸之然後可愈若不慎飲食起居七情者不治

劉文通室年踰二十腰間突腫寸許肉色不變微痛不潰發熱脈大此七情所傷氣血凝滯澀於隧道而然也當益氣血開鬱結更以香附餅灸之使氣血充暢內自消散不消雖潰亦無虞不聽乃服十宣流氣之藥氣血愈虛破出清膿不斂而斃

乳癰

王汝道室年踰三十每怒後乳內作痛或腫此肝火所致與小

藥胡合四物湯加青皮桔梗香附枳殼而愈彼欲絕去病根自服流氣飲遂致朝寒暮熱益加腫痛此氣血被損而然予與八珍湯三十餘劑喜其年壯元氣易復而得愈也
郭氏妾乃放出宮人年四十左乳內結一核堅硬按之微痛脈弱願言此鬱結症也名曰乳岩須服解鬱結益血氣藥百貼可保郭謂不然別服十宣散流氣飲瘡反盛逾二年復請予視其形如覆碗腫硬如石膿出如泔予謂膿清脈大寒熱發渴治之無功果歿

一婦年踰二十稟弱乳內作痛頭疼脈浮與人參敗毒散倍加人參一劑表證悉退但飲食少思日晡微熱更以小柴胡湯合六君子湯二劑熱退食進方以托裏藥加柴胡十餘劑針出膿而愈又有一婦患此症膿成畏針病勢漸盛乃強針之膿出三

碗許脈數發渴以大補藥三十餘劑而愈丹溪云乳房為陽明所經乳頭為厥陰所屬厥陰者肝也乃女子致命之地宗筋之所且各有囊橐其始焮腫雖盛受患止於一二囊若膿成不刺攻潰諸囊矣壯者猶可弱者多致不救所以必針而後愈也
一婦人乳內腫一塊如雞子大勞則作痛久而不消服托裏藥不應此乳勞症也屬肝經血少所致先與神効瓜蒌散四劑更隔蒜灸之腫少退再服八珍湯倍加香附夏枯草蒲公英仍開服前散月餘而消亦有乳疽一證其狀腫硬木悶雖破而不潰腫亦不消尤當急服此散及隔蒜灸斯二症乃七情所傷氣血所損亦勞症也宜戒怒節飲食慎起居否則不治
一婦人患乳癰氣血頗實但瘡口不合百法不應予與神効瓜蒌散四劑少可更與數劑及豆豉餅灸之而愈又一婦患此未

婦人產後乳出不止亦為氣虛宜補藥止之其或斷乳

潰亦與此藥三劑而消良甫云如有乳勞便服此藥可杜絕病根如毒已成能化膿為水毒未成者則從大小便中散之

一婦人患癩癰與養血順氣藥不應亦與神効瓜萸散二劑頓退又六劑而消却與托裏藥氣血平復而愈

一婦人患乳癰寒熱頭痛與荆防敗毒散一劑更與蒲公英開關黃花似菊一握搗爛入酒二三盞再搗取酒熱服相熱癰患處而消丹溪云此草散熱毒消腫核又散滯氣解金石毒之聖藥

採充菜俗呼葶葶下

一婦人產次子而無乳服下乳藥但作脹予謂人乳皆氣血所化今脹而無乳是血氣竭而津液亡也當補其氣血自然有乳矣乃與八珍湯倍加參朮少加肉桂二十餘服乳遂生後因勞

役復竭夫其初產有乳再產而無其氣血祇給一產耳甚可

知間有產後乳出不止亦為氣虛宜補藥止之其或斷乳乳

吮亦能作脹則用麥蘖炒為末白湯調服以散之若兒吮破乳頭成瘡則用蒲公英末或黃連胡粉散搽之若乳頭裂破以丁香末或蛤粉臘脂傳之並效

丙翰李蒲汀太夫人左脇內作痛牽引胸前此肝氣不和尚未成瘡用小柴胡湯加青皮枳殼四劑少可再加芎藭治之而愈

一男子醫患漏口乾發熱喜膿不清稀脈來遲緩以豆豉餅炙及服八珍湯加麥門冬五味子軟柴胡地骨皮三月餘而愈後

因不慎房勞復潰膿清脈大請辭不治果發河間云因病致虛則為輕蓋病勢尚淺元氣未虛也至病初愈而勞復或復飲食

勞倦或房勞七情六慾陽陰弱加致羸損此因虛致損則為

主 盈七七

重病勢已過元氣已索故也

一男年踰二十稟弱左腿外側患毒三月方潰膿水清稀肌肉不生以十全大補湯加牛膝二十餘劑漸愈更以豆豉餅炙之月餘而痊又一媪左臂結核年餘方潰膿清不斂一男子患貼骨雞腿細短軟瘡口不合俱飲十全大補湯外用附子餅及貼補藥膏調護得宜百如而愈大凡不足之症宜大補之劑兼灸以補接陽氣祛散寒邪爲上

京師董賜年踰四十胸患瘡成漏日出膿碗許喜飲食如常以十全大補湯加貝母遠志白斂續斷炙以附子餅膿漸少謹調護歲餘而愈

附骨疽

李戶部孟卿環跳穴患附骨疽彼謂小瘡遂服敗毒之劑更用

寒涼藥敷貼因痛極刺之膿瘀大泄方知爲癰也請予治診其脈右關浮大此胃氣已傷故瘡口開張肉紫下陷捫之不熱彼云瘡內更覺微冷自意必成漏矣遂以豆豉餅炙之飲以六君子湯加藿香砂仁炮薑數劑胃氣漸醒飲食漸進患處漸緩肌肉漸生再以十全大補湯而愈又卑上舍患此內痛如錐外色不變勢不可消喜其未用寒劑祇因痛傷胃氣而不思食亦以前藥去炮薑治之飲食少進更以十全大補湯二十餘劑而膿成遂針去仍以大補湯倍加參耆芎歸膠久不止更加麥門五味貝母遠志數服漸止瘡亦愈按二瘡蓋因濕熱滯於肉理真氣不能運化其始宜除濕熱實脾土和血氣則濕自消散若膿未成卽以隔蒜灸之立効

王時亨室產後腰間腫痛兩腿尤甚此由瘀血滯於經絡而然

也不早治必作骨疽遂與桃仁湯二劑稍愈更以沒藥丸數服而痊亦有惡血未盡臍腹刺痛或流注於四肢或注股內疼痛如錐或兩股腫痛此由冷熱不調或思慮動作氣所擁遏血蓄經絡而然宜沒藥丸治之亦有經盤不行流注四肢或股內痛如錐或因水濕所觸經水不行而腫痛者宜當歸丸治之凡惡血停滯為患匪輕治之稍緩則流注為骨疽多致不救

腸癰

金臺院僉憲年踰五十腹內隱痛小便如淋皮膚錯縱而脈滑數此腸癰也脈滑數則膿已成遂以廣東牛皮膠酒溶化送太乙膏下膿升許更以排膿托裏藥及蠟礬丸而愈

汪中翰側室產後小腹作痛諸藥不應其脈滑數此瘀血內潰為膿也以瓜子仁湯痛止更以太乙膏而愈今人產後多有此病縱非癰患用之更効有人臍出膿水久而不愈亦以前膏及蠟礬丸治之亦愈

外科心法卷之五

五十九

外科心法卷之五

薛氏醫按

吳郡薛 已著

新都吳玄有校

肺疽

陸司廳子仁春間咳嗽唾痰腥穢胸滿氣促皮膚不澤項強脉數此肺疽也蓋肺系在項肺傷則系傷故牽引不能轉側肺者氣之本其華在毛其充在皮肺傷不能攝氣故脇脹氣促而皮膚縱東垣云肺瘡之脉微緊而數者未有膿也緊甚而數者已有膿也其脉來緊數則膿已成遂以人參黃芪當歸川芎白芷貝母知母麥門冬瓜蒌仁桔梗防風甘草兼以蠶礬丸及太乙膏治之膿盡脉濇而愈至冬脉復數經云飲食勞倦則傷脾胃傷不能生肺金形寒飲冷則傷肺肺傷不能生腎水腎水不足

薛氏醫按

外科心法卷之五

五十九

則心火熾盛故脉來洪數經云冬見心而不治果歿火旺之月
周國用年踰三十患咳嗽項強氣促右寸脉數此肺疽也東垣
云風中於胃呼氣不入熱至於榮吸氣不出風傷皮毛熱傷血
脉風熱相搏血氣稽留於肺變成瘡疽診其寸脉數而虛者肺
痿也數而實者肺疽也今診脉滑此疽膿已成以排膿托裏之
藥及蠲礬丸治之脉漸濇而愈錦衣李大器亦患此吐膿面赤
脉大予謂肺病脉宜濇面宜白今脉大面赤火尅金也不可治
果然

一男子年踰四十喘咳脇痛胸滿氣促右寸脉大此風熱蘊於
肺也尚未成瘡屬有餘之症予欲以瀉白散治之彼謂肺氣素
怯不然予言乃服補藥喘嗽愈甚兩月後復請視之汗出如油
喘而不休此肺氣已絕安用治後果歿夫肺氣充實邪何從襲
邪氣既入則宜去之故用瀉白散所以瀉肺中之邪氣也邪氣
既去則真氣自實矣

疔瘡

劉貫卿脚面生疔形雖如粟其毒甚大宜峻利之藥攻之因其
怯弱以隔蒜灸五十餘壯痒遂止再灸片時乃知痛更用膏藥
封貼再以人參敗毒散一服漸愈夫至陰之下道違位僻且怯
弱之人用峻利之劑則藥力未到胃氣先傷虛虛之禍有所不
免不如灸之為宜

松江諸大尹唇生一疔已五日腫硬脉數煩燥喜冷此胃經積
熱所致先以涼隔散一服熱去五六更與奪命丹二粒腫退二
三再與荆防敗毒散四劑而愈胡生耳後寸餘發一毒名曰銳
疽嫩痛寒熱煩燥喜冷此膽經蘊熱而然先用神仙活命飲一

劑勢減二三時值仲冬彼惑於藥有用寒遠寒之禁故不再服
自用十宣托裏之藥勢漸熾耳肉膿潰復請視其喉腫閉藥不
能下而歿又楊錦衣唇下生疔脉症俱實而不下反用托裏致
口鼻流膿而死是謂實實之禍馬氏室忽惡寒作嘔肩臂麻木
手心搔痒遂督悶不自知其故但手有一泡此乃患疔毒也令
急灸患處至五十餘壯而蘇又五十餘壯知痛投以荆防敗毒
散而愈古人謂人暴死多是疔毒急用燈照遍身若有小瘡即
是此毒宜急灸其瘡但是胸腹溫者可救先君云有人因刺死
牛脅悶令看遍身俱有紫泡使急灸泡處良久遂蘇或以敗毒
藥而愈

張都憲夫人面生疔腫焮痛甚數日不潰脉症俱實以荆防敗
毒散加芩連治之稍愈彼以為緩乃服托裏散一劑其勢愈甚
痛極始悟再用涼隔散二劑痛減腫潰又與連翹消毒散十餘
劑而愈

鄭氏舉家生疔多在四肢由皆食死牛肉所致刺去黑血更以
紫金丹服之悉愈

王驗封汝和南京人感豆毒面生疔十餘枚腫痛脉數以荆防
敗毒散治之雖愈尚可畏更以奪命丹一服而痊

脫疽

附脩指誤傷及足凍成瘡

新都楊太僕年踰四十左足大指赤腫焮痛此脾經積毒下注
而然名曰脫疽也喜色赤而痛以人參敗毒散去人參桔梗加
金銀花白芷大黃二劑更以括蕁金銀花甘草節四劑頓退再
以十宣散去桔梗官桂加金銀花防已數劑而愈又韓判官亦
有此患色紫赤不痛以隔蒜灸至五十餘壯尚不知痛又明灸

百壯方知乃以敗毒散加金銀花白芷數劑而愈一膏梁人年
踰五十亦患此色紫黑脚焮痛孫真人云脫疽之症急斬去之
毒延腹必不治色黑不痛者亦不治喜其飲食如故動息自察
為瘡瘍之善證也尚可治遂以連翹消毒散六劑更以金銀花
甘草節瓜蒌二十餘劑患指潰脫再以當歸川芎生地連翹金
銀花白芷二十餘劑而愈次年忽發渴予治以加減八味丸不
聽另服生津等藥愈盛却服予前藥而愈一人患腦疽愈後發
渴固不服前丸脚背患疽而死一人作渴欲發疽與此丸治之
不惟渴止而氣血亦壯大抵此症皆由膏粱厚味或房勞太過
丹石補藥所致其發於指微赤而痛可治治之不愈急斬去之
庶可保否則不治色紫黑或發於脚背亦不治或先發而後渴
或先渴而後發色紫赤而不痛此精氣已竭決不可治

一婦人左足指患一泡麻木色赤次日指黑五日足黑冷不
知疼痛脈沉細此脾胃受毒所致以飛龍奪命丹一服翌日令
割去足上死黑肉割後骨始痛可救遂以十全大補湯治之而
愈蓋肉死乃毒氣盛而拒截營氣所致况至陰之下氣血難達
經云風淫末疾即此是也向若攻伐之則邪氣愈盛乘虛上侵
必不救

一婦人修傷次指成膿不潰焮痛至手誤敷涼藥以致通焮微
嘔少食彼以為毒氣內攻診其脈沉細此痛傷胃氣而然也遂
刺之服六君子湯加藿香當歸食進更服八珍湯加黃耆白芷
桔梗月餘而愈一後生亦患此黑色不痛其指已死予欲斬去
遂服補劑恐黑上臂不治彼不信另服敗毒藥手竟黑遂不救
一男子亦傷指色紫不痛服托裏藥及灸五十餘壯作痛潰

膿而愈吳舉人幼女因凍傷兩足至春發潰指俱壞遂去之服以大補藥而愈藍上舍女患嵌甲傷指年餘不愈日出膿數滴予謂足大指乃肝脾二經發源之所宜灸患處使瘀肉去陽氣至瘡口自合否則不治彼忽之不早治後變勞症而歿蓋至陰之下血氣難到若女人患此又多因扎縛致血脈不通或被風邪所襲則無氣血榮養遂成死肉惟當壯其脾胃行其經絡生其血氣則愈其有成破傷風以致牙關緊急口眼喎斜者先以玉真散一二服然後投以通經生血之劑

天泡瘡

毛閣老孫年十餘歲背側患水泡數顆發熱脈數此肺胃經風熱所致名曰天泡瘡遂以荆防敗毒散加苓連服之外去毒水以金黃散敷之又四劑而愈又楊文魁腹患此延及腰背癢痛然者脈數按之愈大乃表裏俱實也以防風通聖散一劑更前散勢減大半再以荆防敗毒散二劑而愈

楊梅瘡

近時稱

一男子下部生疔諸藥不應延遍身突腫狀似番花及筋攣骨痛至夜尤甚此肝腎二經濕熱所致先以導水丸五服次以龍膽瀉肝湯數劑再與除濕健脾之藥外貼神異膏吸其膿隔蒜灸拔其毒而愈若表實者以荆防敗毒散裏實者以內疎黃連湯又有表裏俱實者防風通聖散表裏俱虛者八珍湯氣虛者四君子湯血虛者以四物湯俱加兼症之藥治之並愈若服輕粉等藥反收毒於內以致迭發槩服防風通聖散氣血愈虛因而不治者多矣

又一捷法見外科發揮本門

一男子患楊梅瘡後兩腿一臂各潰二寸許一穴膿水淋漓少

食無睡久而不愈以八珍湯加茯神炒酸棗仁服每日以蒜搗爛塗患處灸良久隨貼膏藥數日少可却用豆豉餅灸更服十全大補湯而愈凡有腫硬或作痛亦用蒜灸及敷神和膏內服補藥並效

時毒

徐考功兒湖廣人年踰三十耳面焮腫寒熱拘急脈浮洪此時毒證也齊氏云時毒者感四時不正之氣所致也其後發於面鼻耳項咽喉赤腫或結核令人增寒壯熱頭疼肢體痛味者以爲傷寒五七日間乃能殺人十日外不治自愈診其脈若浮數邪氣在表當發之沉實者邪氣在裏當下之今其脈浮洪此邪在表也以荆防敗毒散加牛蒡子玄參治之漸愈更以升麻葛根連翹桔梗川芎金銀花牛蒡子而平復又云宜於鼻內噓通

氣散取十餘噓作效用噓藥不噓者不可治如噓出膿血治之必愈如左右看病之人每日用噓藥噓之必不傳染

周舉人母年六十時仲冬患時毒頭面耳項腫赤痛甚大便閉滯脈數實此表裏俱實也飲防風通聖散一劑勢愈盛此藥力猶淺也取磁鋒擊刺患處出黑血仍與前藥稍可再與敗毒散加連翹荆防一十餘劑而愈若拘用寒遠寒用熱遠熱年高畏用硝黃投以托裏之藥或尋常消毒藥治之鮮不危矣

風熱

宋生遍身作痒搔破成瘡出水脈浮數此手足陽明經風熱所致以人參敗毒散對四物湯加芩連服之外以松香一兩枯礬五錢輕粉三錢爲末麻油調敷月餘而愈又一人患此但脈沉實以前藥加大黃治之漸愈再服人參敗毒散而平

徐工部宜人先兩膝後至遍身筋骨皆痛脈遲緩投以羌活勝
濕湯及荆防敗毒散加溱濕之藥治之不應次以附子入物湯
一劑悉退再服而愈若脈洪數而痛者宜服人參敗毒散有毒
自手足起至遍身作痛或至頸項結瘰如貫珠者此為風濕流
氣之證宜以加減小續命湯及獨活寄生湯治之又有小兒宿
痰失道癰腫見於頸項或臂膊胸背是為冷證宜用四生散敷
貼內服前藥及隔蒜灸之

王喬年踰三十肩患毒以人參敗毒散一劑更以十宣散去參
桂加金銀花天花粉四劑而潰因怒動肝火風熱上壅頭面赤
腫喉痛飲冷以荆防敗毒散加芩連薄荷二劑不應急砭患處
出黑血蓋許仍以一劑勢退大半再進人參敗毒散四劑而愈
夫病有表裏

於肉理藥不能及癰腫日甚使投峻利之藥則上熱未除中寒
已作必傷命矣

一婦人腦左腫痛左鼻出膿年餘不愈時或掉眩如坐舟車正
許叔微所謂肝虛風邪襲之而然也以川芎一兩當歸三錢羌
活旋覆花細辛蔓荊子防風石膏藜本荆芥穗半夏麩乾地黃
甘草半兩乃製一料每服一兩薑水煎服而愈

一男子眼赤痒痛時或羞明下淚耳內作痒服諸藥不應氣血
日虛飲食日減而痒愈盛此肝腎風熱上攻也以四生散酒調
四服而愈又一人頭目昏眩皮膚瘙痒搔破成瘡以八風散治
之亦愈

陸子仁子感冒後發痲不醒人事磨傷脊肉三寸許一塊此勝
脆經必有濕熱診其脈果數予謂此死肉最毒宜速去之否則

延潰良肉多致不救遂取之果不知疼痛因瘻不止陸君疑為
去肉所觸予謂此風熱未已彼不聽另用乳沒之劑愈甚復請
治予以祛風消毒藥敷貼查春田飲以祛風涼血降火化痰之
劑而愈金工部洪載傷寒後亦慮此甚危亦取云死肉以神效
當歸膏敷貼以內疎黃連湯飲之狂言愈盛其脉愈大更以涼
隔散二劑又以四物湯加芩連數劑而愈予見患瘻者責效太
迫服一二劑未應輒改服他藥反致有誤不思病有輕重治有
緩急而槩欲效於一二劑之間難矣况瘻瘍一證其所由來固
深以久又形證在外肌肉潰損較之感冒無形之疾不同安可
旦夕取效患者審之

吳黃門瞻之顛赤腫痛此胃經風熱上攻所致以犀角升麻湯
二劑而平又姜大理患此以前湯為人所惑謂湯內白附子性
平不服另用劑防敗毒散愈盛後雖用此湯尚去白附子亦
不應後用全方三劑而愈本草云白附子味甘辛氣溫無毒主
面上百病及一切風瘡乃風熱之主藥內經云有是病用是藥
苟不用主病之藥病焉得而愈哉

一男子患瘡疥多在兩足午後痛甚腿腕筋紫而脹脉洪大此
血熱而然也於紫處砭去毒血更以四物湯加芩連柴胡地骨
牡丹皮服之而愈如手臂有瘡臂腕筋紫亦宜砭之老弱人患
此作痛須補中益氣湯加涼血藥治之

有人年踰五十筋骨痿軟臥床五年遍身癢痒午後尤甚予以
生血藥治之痒漸愈痿少可更以加味四斤丸治之調理謹守
年餘而全河間云熱淫于內而用溫補藥何也蓋陰血衰弱不
能養筋筋緩不能自持陽燥熱淫于內宜養陽滋陰陰實則

升火降矣

一男子遍身癢痒諸藥不應脈浮按之而瀉予以生血藥為主
間以益氣百貼而愈

婦人血風癩癧

一婦人生風癩似癬三年不愈五心煩熱脈洪按之則瀉此血
虛之證也當以生血為主風藥佐之若專攻風毒則血愈虛而
熱愈熾血被煎熬則發癩癧或為怯證遂以逍遙散數劑及人
參荆芥散二十餘劑而愈

一婦遍身癢痒秋冬則劇脈浮數此風邪客於皮膚而然也名
曰血風癩飲以消風散及搽蛇床子散少可更以四物湯加荆
防數劑而愈又一婦人患此夏月尤甚脈洪大以何首烏散一
婦患赤斑癩痒搔破成瘡出水久而不愈內服當歸飲外搽蛇

床子散並愈又一婦久患此諸藥不應以四生散數服而愈大
抵婦人體虛風邪客於皮膚則成白癩寒濕客於肌肉鬱熱而
為赤癩色雖有異治法頗同凡人汗出不可露臥及浴經云汗
出見濕乃生座痲雷公云遍身風癩酒調生側子用屢驗

風寒

一婦人年踰四十近環跳穴生毒尺脈沉緊腿不能伸一經曰
脾寒移於肝癰腫筋攣夫脾主肉肝主筋肉溫則筋舒肉冷則
筋急遂與乳香定痛丸治之少愈更以助胃壯氣血藥二十餘劑而筋
王汝道膝腿腫筋骨痛服十宣散不應脈沉細予以五積散一
劑而痛止更以十宣散去桔梗加牛膝杜仲三十餘劑膿潰而
愈此寒氣之腫八風之變也

一婦人臂痛筋攣不能伸屈遇寒則劇脈緊細正陳良甫所謂

李天授醫案 外科心法卷之五

肝氣虛為風寒流於血脈經絡搏於筋不榮則乾急而為痛
先以舒筋湯更以四物湯加牡丹皮澤蘭白朮治之而痊亦有
臂痛不能舉或轉左右作痛由中腕伏痰脾氣滯而不行宜茯
苓丸或控涎丹治之

胡縣丞遍身走痛兩月後左腳面結腫未幾腿股又患一塊脉
輕診則浮重診遲緩此氣血不足腠理不密寒邪襲虛而然以
加減小續命湯四劑及獨活寄生湯數劑疼痛頓去更以托裏
藥倍加參耆歸朮百貼而愈後又有劉生手臂結核如栗延至
頸項狀似瘰癧此風濕流注亦以前藥治之而愈

一男子每至秋冬遍身發紅點如斑作痒此寒氣收斂腠理陽
氣不能發越焮鬱內作也宜以人參敗毒散解散表邪再以補
中益氣湯益氣實表彼以為熱毒自用涼藥愈盛復請以補中

益氣湯加茯苓半夏羌活四劑更以補中益氣湯數劑而愈劉
守真曰瘡腫因內熱外虛風濕所乘然肺主氣皮毛脾主肌肉
氣虛則膚腠開風濕所乘脾氣濕而內熱即生瘡也腫者由寒
熱毒氣客於經絡使血澁壅結成腫風邪內作者即無頭無根
氣血相搏作者有頭有根赤核腫則風氣流會瘡以痛為實痒
為虛者非謂虛為寒謂熱之微甚也

顧泰至患瘰癧寒熱焮痛治以人參敗毒散翌日遍身作痛不
能轉側彼云素有此疾服藥不應每發痛至月餘自止陳良甫
云婦人體虛受風邪之氣隨血而行或淫溢皮膚卒然掣痛遊
走無常故名走注痛即瘰癧節風也以四生丸治之而愈

鶴膝風

一男子左膝腫大三月不潰予謂體虛之人風邪襲於骨節使

氣滯而不行故膝愈大而腿愈小名曰鶴膝風遂以大防風湯三十餘劑而消張上舍亦患此伏枕半載流膿三月彼云初服大防風湯去附子將潰服十宣散今用十全大補湯而去肉桂俱不應視脈證甚弱予以十全大補湯每貼加熟附子一錢服三十餘劑少愈乃去附子五分服至三十餘劑將愈却去附子更以三十餘劑而痊夫立方之義各有所宜體氣虛弱邪入骨界遏絕隧道若非用附桂辛溫之藥開散關節腠理之寒邪通暢隧道經絡之氣血決不能愈且本草云附子治寒濕 踈拘攣膝痛不能行步以白朮佐之為寒濕之聖藥又云桂通血脈消瘀血堅骨節治風痺骨攣脚軟宜道諸藥十全大補湯以治前證不但不可去桂亦不可不加附子無此二味何以行參耆之功健芎歸之性而補助血氣使之宜通經絡扶大虛之證以

收必捷之效哉况前證在骨節之間關鍵之地治之不速使血氣循環至此鬱而為膿從此而泄氣血滙盡無可生之理矣亦有秋夏露臥為寒折之焮熱內作遂成附骨疽有賊風搏於肢節痛徹於骨遇寒尤甚以熱熨之少減尤當以天防風湯治之更以蒜搗爛攤患處用艾鋪蒜上燒之蒜壞其效膚倘破無妨若經久不消極陰生陽潰而出水必致偏枯或為漏症宜服內塞散及附子灸之或脈大或發渴不治其真氣虛而實也

濕熱

靳閣老子玉莖腫痛服五苓散藥不應予診其脈左關弦數此肝經積熱而成以小柴胡湯送蘆薈丸一服勢去三四再服山西張縣丞年踰五十兩腿腫脹或生痞癩小便頻而少聲如瓮出服五皮等散不應掌醫院銀臺李先生疑謂瘡毒合請予

治診其脈右關沉緩此脾氣虛濕氣流注而然非瘡毒也劉河間云諸濕腫滿皆屬於土按之不起皆屬於濕遂投以五苓散加木香倍蒼朮白朮亦不應予意至陰之地關節之間濕氣凝滯且水性下流脾氣既虛安能運散若非辛溫之藥開通腠理行經活血則邪氣不能發散遂以五積散二劑勢退大半更以六君子湯加木香升麻柴胡薏苡仁兩月餘而愈設使前藥不應更投峻劑虛虛之禍不及救矣

一男子濕熱下注兩腿生瘡以人參敗毒散加蒼朮黃相服之以金黃散敷貼又一人患此久而不愈以船板灰存性一兩輕粉三錢為散麻油調貼更以黃柏知母防已龍胆草茯苓當歸川芎黃耆白朮服之並愈若人兩腿生瘡作痛或遍身作痛以當歸拈痛湯治之

趙千兵患兩腿生瘡每服敗毒藥則飲食無味反增腫脹此虛濕熱下注也以六君子湯加蒼朮升麻酒炒芍藥服之以黃蠟麻油各一兩輕粉三錢為膏貼之而愈大凡下部生瘡雖屬濕熱未有不因脾腎虛而得之者

儀真陳儀部司廳年踰五十兩膝生瘡日久不愈飲食失節或勞若或服滲利消毒之劑愈盛脾脈大而無力此脾虛而無濕熱也以補中益氣湯數劑少愈更以六君子湯加蒼朮升麻神麩治之而愈嘗治下部生瘡焮痛或發寒熱或腳氣腫痛以人參敗毒散加檳榔紫蘇蒼朮黃柏並效久不愈者以四生散治之愈後以補腎丸補之庶不再發矣

北京劉鴻腿生濕瘡數年不愈尺脈輕診似太重診無力此腎氣虛風邪襲之而然名曰腎臟風瘡以四生散治之彼不信自

服此等藥遂致氣血日弱膿水愈多形證愈憊迨二年復邀
治依以前藥治之而愈夫肢體有上下臟腑有虛實世之患者
但知苦寒之藥能消瘡毒殊不知腎臟風因腎氣不足所致當
以茯苓為君黃耆為臣白附子獨活為佐使若再服敗毒等藥
則愈耗元氣速其死矣

高兵部連日飲酒陰挺并囊濕痒服滋陰等藥不應予謂前陰
者肝經脈絡也陰氣從挺而出素有濕繼以酒為濕熱合於下
焦而然也經云下焦如瀆又云在下者引而竭之遂以龍胆瀉
肝湯及清震湯治之而愈若服此藥不應宜補肝湯或四生散
趙大用兩臂腫痛服托裏藥日盛予謂腫屬濕痛屬火此濕熱
流注經絡也以人參敗毒散加葳靈仙酒炒黃芩南星數劑漸
愈更以四物湯加蒼朮黃栢桔梗二十餘劑而消又一婦下體

腫痛亦與人參敗毒散加葳靈仙黃栢蒼朮數服痛減更以四
物湯加黃栢紅花防己蒼朮澤瀉三十餘劑亦消

葉巡檢兩腿作痛每痛即以濕布搦之少愈月餘反盛夜痛尤
劇丹溪云血受熱已自騰沸或涉冷或受濕取涼熱血得寒汚
濁凝澁所以作痛夜痛甚行於陰也苟痛以冷折之即前所謂
取涼之證也以五積散二劑頓愈更以四物湯加黃栢蒼朮牛
膝木瓜三十餘劑而消夫濕痰濁血在於僻道若非行經流濕
推陳致新不能瘳也如藥蒸罈或用涼藥敷貼或用涼藥降火
又成敗證矣

戶部韓老先生山西人左臂肘患一紫泡根畔腫赤大腸脉托
予謂乳主失血或積血公曰血痢未瘳以芍藥二劑湯更以人
參敗毒散二劑瘳劑並愈

一老人患痢驟用濕藥致大腸經分作痛此濕毒流於隧道而然以四物湯加桃仁酒黃芩紅花升麻枳殼陳皮甘草治之漸愈因年高胃弱竟致不起又一患者亦用瀝劑環跳穴作痛予與前藥去升麻陳皮甘草加蒼朮黃柏柴胡青皮生薑十餘劑稍可更刺委中出黑血而愈如手蘸熱水拍腿上有泡起去血亦可不若刺穴尤速效也委中在膝腕中央橫紋中動脈便是

一男子患痛筋掣遍身酸軟一道人與痰藥及托裏藥期三日可痊皆不應請予治予謂非瘡毒大筋軟短小筋弛長此濕熱為患也以人參敗毒散加蒼朮黃柏檳榔木瓜治之少愈更以清燥湯二十貼而痊夫內有濕熱外有風寒當泄不當補反以甘濕之劑必不効矣

余舉人弟年及二十腿膝腫痛不能伸屈服托裏藥反盛予以

人參敗毒散加檳榔木瓜柴胡紫蘇蒼朮黃柏而愈

痔附疝氣 婦人陰瘡 男子便血

一男子痔瘡腫痛便血尤甚脉洪且瀉經云因而飽食筋脉橫解脹僻為痔蓋風氣通於肝肝生風風生熱風客則淫氣傷精而成斯疾遂與黃連當歸黃耆生地黃防風枳殼白芷柴胡槐花地榆甘草治之漸愈次以黃連丸而瘥又姜生便血數年百藥不應面色痿黃眼花頭眩亦以黃連丸治之而平

曹銓因飲法酒肛門腫痛便秘脉實服荆防敗毒散不應予用黃連內疎湯而愈

一男子患痔脉浮鼓午後發熱作痛以八珍湯加黃耆柴胡地骨皮治之稍可彼欲速效用劫藥蝕之痛甚絕食而歿夫瘡之潰斂氣血使然也脉浮鼓日晡痛此氣血虛也丹溪云瘡口不

合用大劑參耆朮歸芎補之外以附子餅灸之更以補藥作膏貼之

一男子年踰四十有痔漏大便不實服五苓散愈加泄瀉飲食

少思予謂非濕毒乃腸胃虛也當以理中湯治之彼不為然仍服五苓散愈甚復請予乃以理中湯及二神丸月餘而平

李達因痔瘡怯弱以補中益氣湯少加芩連枳殼治之稍愈後因怒加甚時仲冬脉得洪大予謂脉不應時此乃腎水不足火

來乘之藥不能治果歿於火旺之月嘗見患痔者腎脉足但難治張刑部德弘便血數年舌下筋紫午後唇下赤胃肺脉洪予謂

大腸之脉散舌下大腸有熱故舌下筋紫又便血蓋胃脉環口繞承漿唇下即成漿也午後陰火旺故成漿發赤蓋胃為本肺

為標乃標本有熱也遂以防風通聖散為丸治之而愈後每睡忽驚跳而起不自知其故如是者歲餘腦發一毒焮痛左尺脉

數此膀胱經熱而然以黃連消毒散數劑少愈次以金銀瓜萸甘草節當歸服月餘而平

劉商有痔肛門脫出此濕熱下注真氣不能升舉診其脉果虛遂以四君子湯加黃耆芎歸蒼朮黃柏升麻柴胡服之更以五

倍子煎湯薰洗彼以為緩乃用砒霜等毒藥蝕之而歿夫劫藥特治其末且能伐真元鮮不害人慎之慎之

徐生因痔氣血愈虛飲食不甘小便不禁夜或遺精此氣虛兼濕熱而然非瘡故也以補中益氣湯加山茱萸山藥五味子兼還少丹治之而愈

一男子患痔漏屢出大便諸藥不應診其脉頗實令用猪腰子一箇切開入黑牽牛末五分線扎以荷葉包煨熟空心細嚼温

鹽酒送下數服頓退更以托裏藥而愈

一男子年踰四十陰囊腫痛以熱手熨之少緩服五苓等散不應尺脈遲輒此下虛寒邪所積而然名曰寒疝非瘡毒也予以蟠葱散治之少可更以葫蘆巴丸服之而平

胡同知陝西人年踰五十陰囊腫痛得熱愈甚服蟠葱散等藥不應肝脈數此囊癰也乃肝經濕熱所致膿已成急針之以龍膽瀉肝湯脈證悉退更以托裏滋陰藥外搽杉木灰紫蘇末月餘而愈此症雖潰盡而無害患者審之

栢道官年六十餘陰囊已潰痛不可忍腎丸露出與龍膽瀉肝湯服之及敷前末不應予意此濕氣熾盛先以槐花酒一碗仍以前湯少愈更以托裏加滋陰藥月餘而平設以前藥不應加之峻劑未有不損中氣以致敗者也聘士陳時用沈汝和患此悉用前藥而愈

一婦人隱內膿水淋漓或痒或痛狀似蟲行診之少陰脈滑數此陰中有瘡也名曰匿由心神煩鬱胃氣虛弱氣血凝滯所致與升麻白芷黃連木通當歸川芎白木茯苓柴胡煎服用搗腫湯薰洗更搽蒲黃水銀兩月餘而愈或有胞絡虛風邪乘陰血氣相搏合氣否澁致陰腫痛當以菖蒲散治之更以枳實炒熟帛裹熨之冷則再炒或有子臟虛冷氣下衝致陰脫出謂之下脫或因產努力而脫者以當歸散治之久不愈者以補中益氣湯倍加升麻柴胡升舉之

一男子尿血陰莖作痛服清心蓮子飲不應服八正散愈盛予以髮灰醋湯調服少愈更以斑龍丸而平

懸癰

黃吏部毅道前患毒嫩痛寒熱此肝經濕熱而致名曰懸癰屬

陰虛症先以製甘草二服頓退再以四物加車前子青皮甘草
煎酒製黃柏知母數服而消又一病人莖根結核如大豆許勞
則腫痛先以十全大補湯去桂加車前子麥門冬酒製黃柏知
母少愈更服製甘草漸愈仍以四物車前之類而消又一患者
焮痛發熱以龍膽瀉肝湯二劑及製甘草四劑而潰再用滋陰
之劑而愈若或膿未成以葱炒熱敷上冷易之隔蒜灸之亦可
數日不消或不潰或潰而不斂以十全大補湯加柴胡稍為主
開服製甘草並效若不保守必成漏矣

一男子年踰五十患懸癰膿清肝腎脈弱此不慎酒色濕熱壅
滯也然膿清脈弱老年值此何以收斂况穀道前為任脈發源
之地肝經宗筋之所行不可治後果死嘗治此癰惟開水製
甘草有効已破者兼以十全大補湯為要法

便毒

舉人凌待之湖州人年踰四十患便毒尅伐太過飲食少思大
便不實遺精脈微東垣云精滑不禁大便自利腰脚沉重下虛
也仲景曰微弱之脈主氣血俱虛也先以六君子湯加破故紙
肉苳蔻煎服瀉止食進更以十全大補湯加行經藥十餘劑消
胡判官患便毒膿稀脈弱以十全大補湯加白欵五味子麥門
三十劑稍愈更以參耆歸朮膏而平因新婚復發聚腫堅硬手
足並冷脈弱皮寒飲食少思此虛極也仍用前藥加桂附三劑
稍可彼欲速自用連翹消散瀉利不止竟致不救
京臺王文遠年踰四十素勞苦患便毒發寒熱先以小柴胡湯
加青皮一服表症悉退次以補中益氣湯加川山甲二服腫去
三四更以托裏之藥五六服膿成刺去旬日而斂

外科心法卷之六

薛氏醫按

吳郡薛 已著

新都吳玄有校

疝瘡

附玉莖腫及挺 及出白精

一老人患疝小便淋瀝脈細體倦此氣虛兼濕熱也用清心蓮
 子飲及補中益氣湯治之而愈又一弱人拗中作痛小便淋瀝
 此因火燥下焦無血氣不能降而滲泄之令不行用四物湯加
 黃柏知母茯苓牛膝木通十餘貼痛止便利先君氣短拗中若
 瘡小便不通製四物湯加參芪煎吞滋腎丸而愈蓋前證以虛
 為本以病為末益其本則末自去設若不固元氣專攻其病害
滋深矣
 王錦衣年踰四十素有淋患疝瘡焮痛倦怠用小柴胡湯加黃
 連黃柏青皮當歸而愈

杜舉人名京年踰三十陰囊濕痒莖山白物如膿舉則急痛此
肝疝也用龍膽瀉肝湯而愈有陰莖腫或縮或挺或痒亦以此藥治之
王上舍遺精勞苦愈其物中結核服清心蓮子飲連翹消毒散
不應予以八珍湯加山藥山茱萸遠志十餘劑漸愈更以茯苓
丸治之遂不復作葉巡檢患此云諸藥不應盧丹谷與八味丸
治之而愈

杖瘡

文刑部用晦伏 闕諫南巡受杖瘡血已散壞肉不潰用托裏
之藥稍潰而膿清此血氣虛也非大劑參芪不能補文君亦善
醫以為恐腹滿予強之飲食稍思遂加大補劑飲食日進肉潰
膿稠而愈嘗治江翰林姚王鄭三吏部李陳姜三禮部南吳二
刑部皆與文同事者先散其瘀血漸用排膿托裏之藥俱愈夫

叫號則傷氣痛忍則傷血此氣血之虛明矣况脾主肌肉脾氣
受傷飲食必減血一冰則肌肉不旺故必理脾脾健肉自生若
非參朮歸耆之類培養脾土則肌肉何由而生然又須分病人
虛實及有無瘀血停積蓋打撲墜墮皮肉不破肚腹作痛者必
有瘀血在內宜以復元活血湯攻之老弱者回物湯加紅花桃
仁川山甲補而行之若血去多而煩燥此血虛也名曰亡血以
獨參湯補之有打撲墜墮稍輕別無瘀血等症但是疼痛不止
者惟和血氣調經脈其痛自止更以養氣血健脾胃無有不效
亦有痛傷胃氣作嘔或不飲食者以四君子湯加藿香砂仁當
歸治之若有瘀血不先消散而加補劑則成實實之禍設無瘀
血而妄行攻利則致虛虛之禍予戊辰年公事居庸關見覆車
被傷者七人仆地呻吟一人未蘇予俱合以熟童便灌之皆得

無事于工由年被重車碾傷鬪者良久復蘇胸滿如築氣息不通隨飲熱童便一碗胸寬氣利惟小腹作痛吾鄉徐銀臺東溆先生與復元活血湯一劑便血數升許痛腫悉退更服養血氣藥而痊大凡損傷不問壯弱及有無瘀血停積俱宜服熱童便以酒佐之推陳致新其功甚大若胸脹或作痛或發熱煩燥口乾喜冷惟飲熱童便一甌勝服他藥他藥雖亦可取効但有無瘀血恐不能盡識反致悞人惟童便不動臟腑不傷氣血萬無一失嘗詢諸營操軍常有墜馬傷者何以愈之俱對曰惟服熱童便即愈此其屢試之驗亦明矣又凡腫痛或傷損者以葱搗爛熱罨之尤妙

夏鳳北京人因杖瘡臂膝通潰膿痂未出時發昏憤此膿毒內作而然也急與開之昏憤愈盛此虛也以八珍湯一服少可數

服死肉白腐頰取之令用猪蹄湯洗淨以神效當歸膏塗貼再以十全大補湯兩月而愈若更投破血之藥則危矣大抵杖瘡一症皆瘀血為患宜速治療淺者砭之深者針之更以活血流氣藥和之內潰者開之有腐肉取之以壯胃生血藥托之可保無虞有傷筋骨而作痛者以沒藥降聖丹治之若牙關緊急或腰背反張者以玉真散治之並效

火瘡

馮氏子患火瘡驟用涼藥敷貼更加腹脹不食予以人參敗毒散加木通山梔治之外以栢葉炒為末麻油調搽漸愈嘗用煮大汁上浮脂調銀硃塗之更效若用涼藥逼火毒入內多致不

頭犬傷

附破傷風

陳鑑居庸關人蝎螫手疼痛徹心頃刻熾痛至肢寒熱拘急頭

痛惡心此邪正二氣相搏而然以飛龍奪命丹全患處及服止痛之藥俱不應乃以隔蒜灸法灸之遂愈予母及予皆嘗被螫如前灸之痛即止予母又嘗為蜈蚣傷指亦用前法而愈凡蛇毒之類所傷依此療之並效本草謂蒜療瘡毒有回生之功一獵戶腿被狼咬痛甚治以乳香定痛散不應予思至陰之下氣血凝結藥力難達令隔蒜灸至五十餘壯疼痛悉去仍以托裏藥及膏藥貼之而愈又王生被鬪犬傷腿頃間焮痛至翌日牙關緊急以玉真散治之不應亦隔蒜灸三十餘壯而蘇仍以玉真散及托裏消毒藥而愈一人誤傷去小指一節牙關緊急腰背反張人事不知用玉真散青州白丸子各一服未應此亦藥力不能及也急用蒜搗爛裹患指以艾灸之良久覺痛仍以白丸子一服及托裏散數服而愈夫積在腸胃尚為難療况四肢受患風邪所襲遏絕經絡者古人所製淋瀝貼熗鐵刺等法正為通經絡導引氣血也

腹痛

一男子墜馬傷頭并臂令葱搗爛炒熟罨患處以熱手熨之服沒藥降聖丹而愈本草云葱大治傷損

楊錦衣子十歲腹脹痛服消導藥不應彼以為毒請診其脉右關沉伏此食積也河間云食入即吐胃腕痛更兼身體痛難移腹脹善噫舌本強得後與氣快然衰皆脾病也審之果因食粽得此以白酒麴熟酒服而愈

黃茶人腹內一塊不時作痛痛則人事不知良久方蘇諸藥不應診其脉沉細則非瘡毒劉河間云失笑散治疝氣及婦人血氣痛欲死並效與一服痛去六七再而平此藥治產後心痛腹

絞痛及兒枕痛尤妙

誤吞水蛭

一男子患腹痛 熱則痛甚諸藥不應半年後腹加腫脹面色
痿黃診其脉不洪滑非癰也詢之云始於渴甚俯飲澗水予意
其誤吞水蛭而然合取河泥為炷空心用水送下百丸果下蛭
而愈又一子因跌溝中腹作痛服積驚等藥不應亦依前症療之而愈

蟲入耳

先君嘗睡間有蟲入耳痛脅將生姜搽鼻其尿自出取尿滴
耳內蟲即出而愈又有百戶張錦謂予曰耳內生瘡不時作痛
痛而欲死痛止如故診其脉皆安靜予謂非瘡也話間痛忽作
予度其有蟲入耳令回急取猫尿滴耳果出一臭蟲遂不復痛
或用麻油滴之則蟲死難出或用炒芝麻枕之則蟲亦出但俱

不及猫尿之速也

一治諸蟲傷白礬一塊於端午日自早晒至晚收貯用時旋

末水調搽患處痛即止

小兒

丹瘤 瘡毒 瘡疥 結核 黃水瘡
結瘡 癩疹 癩瘡 痘毒
胎疔 肺疽 腎瘡 無辜疔毒

吳刑部靜之子甫周歲患丹毒延及遍身如血染予用磁鋒擊
刺遍身出黑血以神功散塗之查春田用六連翹飲而愈王國
歲子未彌月陰囊患此如前治之而愈金氏子不欲刺毒入腹
而死河間云丹從四肢起入腹者不治予嘗刺毒未入腹者無
二三歲小兒臂患毒燉痛服解毒丸及搽神功散而消膏治便
秘或煩燥服五福化毒丹亦效若膿成者急刺去用紙擦藥麻
油經瘡內以膏藥貼之若兒安靜不必服藥候有膿取去仍用

神功散

小兒丹毒

五

神功散

經貼有小兒瘡毒不愈或愈而復發皆因母食炙煇辛辣或有熱症宜先治母熱就於母藥中加漏蘆煎服兒瘡亦愈若小兒自患前症不能飲藥者將藥加漏蘆令母服之其瘡亦愈

一 小兒臂患痘毒不寧按之復起此膿脹痛而然也遂刺之以托裏而愈有痘後肢節作腫而色不赤飲以金銀花散更以生黃豆末熟水調傅乾以水潤之自消若傅六七日不消膿已成急刺之宜服托裏藥

一 周歲小兒先於頭患瘡疥漸至遍身久而不愈飲四物湯加防風黃芩升麻外搽解毒散月餘而愈

有七歲小兒頸結二核時發寒熱日久不愈以連翹丸治之而消若患在面臂等處尤當用此藥若潰而不斂宜服托裏之劑

一 小兒頭面患瘡數枚作痒出水水到處皆潰成瘡名曰黃水瘡也用菉豆粉松香為末香油調傅飲以荆防敗毒散而愈

一 小兒頭面生瘡數枚作痒瘡痂積累名曰粘瘡也以枯白礬黃丹末等分麻油調搽更飲敗毒散而愈

一 小兒癩疹瘙痒發熱不安以消風散治之又一小兒亦患此咳嗽時嘔以葛根橘皮湯並愈

一 小兒頸面胸腹患水泡數枚潰而成瘡此風邪乘於皮膚而然也名曰瘰癧飲荆防敗毒散更以牛糞燒存性為末傅之而愈有瘰癧一症為患最毒形如粟許大者如粟患無常處多在手指潰而出血用南星半夏白芷末傅之重者見骨或狂

一 小兒痘瘡已愈腿上數枚變疔蝕陷用雄黃銅綠等分為末傅搽兼金銀花散數服而愈若患遍身用出蟻繭繭將白礬為末填繭內燒礬候汁乾取出為末放地上以碗蓋良

傳之久出火毒之效

一 小兒痘後癢痒搔破成瘡膿水淋漓用經霜陳茅草為末
傅搽及鋪席上兼飲金銀花散而愈若用菉豆滑石末傅之亦
可但不及茅草之功為速耳

一 小兒頭患白瘡皮光且急諸藥不應名曰腦疔瘡仍胎毒挾
風熱而成也服以龍膽丸及吹蘆薈末於鼻內兼搽解毒散而
愈若重者髮結如穗腦熱如火遍身出汗腮腫胸高尤當服藥

一 小兒咳嗽喘逆壯熱惡寒皮膚如粟鼻痒流涕咽喉不利頤
爛吐紅氣脹毛焦作利名曰肺疔以地黃清肺飲及化之而愈

一 小兒眉皺多啼嘔吐清沫腹中作痛肚脹筋青唇口紫黑肛
門作痒名曰蛔疔以大蘆薈丸治之而愈有蟲食吞膈身熱黃

瘦煩溫下痢拍背如鼓鳴脊骨如鋸齒十指生瘡常啣此春疔
也當以前丸治之

一 小兒鼻外生瘡不時揉擦延及兩耳諸藥不效以蘆薈丸服
及搽松香菉豆末而愈

一 小兒十歲患瘡疥久不愈肌體羸瘦寒熱作時腦熱足冷滑
瀉肚痛齟爛口臭乾渴爪黑面黧此腎疔也服六味地黃丸更
搽解毒散而愈

一 小兒項結一核堅硬如癭面色痿黃飲食不甘服托裏藥不
應此無辜疔毒也予以蟾蜍丸治之而愈若數服而不消按之
轉動軟而不痛者內有蟲如粉宜急針去之若不速去則蟲隨
氣走內蝕臟腑不治丸用蟾蜍一二枚夏月溝渠中取腹大不
動不鳴者先取糞蛆一杓置桶中以尿浸之桶近上令乾使蛆
不得出却將蟾蜍撲死投在蛆中任與蛆食

次以新布袋包繫定置水急處浸一宿取出瓦上焙為末入麝

香五升軟飯丸如麻子大每服二三十丸空心米飲送下

槐花酒治驗

滁州于侍御髀患毒痛甚服消毒藥其勢未減即以槐花酒一服勢隨大退再以托裏消毒之藥而愈

王通府患發背十餘日勢危脉大先以槐花酒二服殺其勢退更以敗毒散二劑再以托裏藥數劑漸潰又用桑柴燒灸患處每日灸良久仍以膏藥貼之灸至數次膿潰腐脫以托裏藥加白朮陳皮月餘而愈

劉太尹發背六七日滿背腫痛勢甚危與隔蒜灸百壯飲槐花酒二碗即睡覺以托裏消毒藥十去五六令將桑枝灸患處而潰數日而愈大抵腫毒非用蒜灸槐花酒先去其勢雖用托裏諸藥其效未必甚速

一男子患腦疽已十餘日面目腫閉頭焮如斗脉洪數煩燥飲冷此膀胱濕熱所致以黃連消毒飲二劑次以槐花酒二碗頓退以指按下腫即復起此膿已成於頸額肩頰各刺一孔膿血湧出口日始開更以托裏藥加金銀花連翹三十餘劑而愈

一上舍有患疽脉數以槐花酒一服勢頓退再與金銀花黃耆甘草十餘服而平槐花治濕熱之功最為神速若胃寒之人不可過劑

金銀花治驗

一園丁患發背甚危令取金銀藤五六兩搗爛入熱酒一鐘絞取汁酒溫服粗罨患處四五服而平彼用此藥治瘡足以養身成家遂棄園業諸書云金銀花治瘡瘍未成者即散已成者即潰有回生之功

一男子患腦疽勢劇脉實以黃連消毒散治之不應以金銀藤

二兩水二鐘煎一鐘入酒半碗服之勢去三四再服漸退又加黃柏知母括蕁當歸甘草節數劑而潰止加黃耆川芎白芷桔梗數劑而愈

一男子患腦疽其頭數多痛不可忍先服消毒藥不應更以金銀花服之即酣睡覺而勢去六七再四劑而消又一男子所患尤甚亦令服之腫痛頓退但不能平加以黃耆當歸瓜婁仁白芷甘草節桔梗數劑而愈

一男子被鬼擊身有青痕作痛以金銀花煎湯飲之即愈本草謂此藥大治五種飛尸此其驗也

忍冬酒治癰疽發背初發時便當服此不問疽效何處或婦人乳癰皆有奇效如或處鄉落貧家服此亦便且發仍兼以麥飯石膏及神異膏貼之甚效

忍冬藤即金銀花生取藤葉一把入砂器內爛研入白酒少許調和稀稠得宜塗傅四圍中心留一口洩其毒氣其藤只用五兩用木槌槌碎生甘草節一兩又二味入砂瓶內以水二盃用文武火煎至一盃入無灰酒一盃再煎十數沸去粗分為三次溫服粗敷患處一日夜喫盡如病勢重一日夜要飲兩劑服至大小便通利則藥力到沈內翰云如無生者用乾者終不及生者力大而効速此藤凌寒不凋故名忍冬草其藤左繞故又名左纏藤附樹延蔓或在園圃墻垣之上藤方而紫葉似薜荔而青二月開花微香蒂帶黃色花初開則色白經一二日則色黃故又名金銀花又名鷺鷥藤又名金釵股又名老翁鬚在處有之而本草中不言善治癰疽發背而近代名人用之奇效方書所載療癰疽發背皆以為要藥

鍼法總論

嘗觀上古有砭石之制內經有九針之別制雖不同而去病之意一也且瘡瘍一科用針爲貴用之之際雖云量其潰之淺深尤當隨其肉之厚薄若皮薄針深則反傷良肉益增其潰肉厚針淺則膿毒不出反益其痛用針者可不慎哉至於附骨疽氣毒流注及治經久不消內潰不痛宜燔針開之若治咽喉之患當用三稜針若丹瘤及癰毒四畔赤焮疼痛如灼宜石砭之去血以泄其毒重者減輕者消如洪氏室心腹癰膿脹悶脅以卧針刺之膿出即蘇一人患囊癰膿熟腫脹小便不利幾殆急針之膿水大泄氣通而愈大抵用針之法迎而奪之順而取之所謂不治已病而治未病不治已成而治未成正此意也今之患者或畏針而不用醫者又徇患者之意而不針遂致膿已成而不得潰或得潰而所傷已深矣卒之夭亡者十常八九亦可悲夫

灸法總論

夫瘡瘍之症有諸中必形諸外在外者引而拔之在內者疎而下之灼艾之功甚大若毒氣鬱結癩似凝滯輕者或可藥散重者藥無全功矣洎間云痛者灸至不痛不痛者灸至痛毒氣自然隨火而散東垣云若不針烙則毒氣無從而解膿瘀無從而泄過時不烙反攻於內陳氏云譬如盜入人家必開戶以逐之是故善治毒者必用隔蒜灸是而用寒苦之劑其壯實內有火者或可彼怯弱氣寒者未有不敗者也又有毒氣沉伏或年高氣弱或服尅伐之劑氣益以虛膿因不潰必假火力以成功如曹工部發背已十八日瘡頭如粟瘡內如錐痛極時有悶瞢飲食不思氣則愈虛以大艾隔蒜灸十餘壯尚不知內痛不減

逐明灸二十餘壯內痛悉去毒氣大發飲食漸進更以大補藥
 及桑木燃灸癩肉漸潰劉貫卿足患疔已十一日氣弱亦灸五
 十餘壯更以托裏藥而愈黃君腿癰膿清脉弱一婦臂結一塊
 已潰俱不收斂各灸以豆鼓餅更飲托裏藥而愈一男子胸腫
 一塊半載不消令明灸百壯方潰與大補藥不斂復灸以附子
 而愈一男子患發背焮痛如灼以隔蒜灸三十餘壯腫痛悉
 退更以托裏消毒藥而愈一人患發背瘡頭甚多腫硬色紫不
 甚痛不腐潰以艾鋪患處灸之又以大補藥數日死肉脫去而
 愈陳工部張兵部患發背已四五日瘡頭雖小根畔頗大俱以
 隔蒜灸三十餘壯其根內消惟瘡頭作膿數日而愈余丙子年
 忽惡心大椎骨甚痒須臾臂不能舉神思甚倦此天疽危病也
 急隔蒜灸之痒愈甚又明灸五十餘壯痒遂止旬日而愈精要

云灸法有回生之功信矣大凡蒸灸若未潰則拔引毒毒已潰
 者則補接陽氣祛散寒邪瘡口自合其功甚大常治四肢瘡瘍
 氣血不足者祇以前法灸之皆愈疔毒甚者尤宜灸痛則灸至
 不痛不痛則灸至痛亦無不愈若中虛者不灸而服敗毒藥則
 瘡毒未除中氣先傷未有不敗者也李氏云治疽之法著艾勝
 於用藥緣熱毒中隔外內不通不發泄則不解散不幸患此者
 適處貧居僻一時無藥用灸尤便其法用大獨蒜切片如三錢
 厚貼於疽頂上以艾炷安於蒜片上灸之每三壯一易蒜片若
 灸時作痛要灸至不痛不痛灸要至痛方止大槩以百壯為度
 用大蒜取其毒有力多用艾炷取其火力透如法灸之瘡一發
 膿潰繼以神異膏貼之不日而安一能使瘡不開大二內肉不
 壞三瘡口易合見効甚神丹溪云惟頭為諸陽所在聚艾社宜
小而宜少

又方一切癰疽發背婦人妳癰皆可即用後法灸之無有不愈其法先令病人以肘凭几豎臂腕腰直用篋一條自臂腕中曲紋盡處男左女右貼肉量起直至中指尖盡處為則不量指甲却用竹杠一條令一人脫衣騎定令身正直前後用二人扛起令脚不到地又令二人扶定勿令僵仆却將所量臂腕篋從其扛坐處尾骹骨盡處直豎竹上貼脊背量至篋盡處則用墨點定此只是取中非灸穴也却用篋篋作子量病人中指節相去兩橫紋為則男左女右截為一則就前所點記處兩邊各量開一則盡處即是灸穴兩穴各灸五壯或七壯不可多灸不問癰生何處並用此法灸之無不愈者一云可視其疽發於左則灸左發於右則灸右甚則左右皆灸蓋此二穴心脈所過處素問云諸瘡瘍皆屬於心又云營氣不從逆於肉理乃生癰腫又云心主血心氣滯則血不行故逆於肉理而生癰腫灸此穴使心火調暢血脈流通即能奏效起死回生非常之力屢試屢驗矣灸圖見外科精要

八味丸治驗

張甫北京人年踰三十怯弱不能食冷臂患一毒脈虛弱予以托裏藥治之而消但飲食少思或作悶或吞酸日漸羸瘦參苓等藥不應右尺脈弱此命門火衰不能生土遂以八味丸補土之原飲食漸進而愈予嘗病脾胃服補劑及針灸脾俞等穴不應幾殆吾鄉盧丹谷先生令予服八味丸飲食果進三料而平予兄年踰四十貌豐氣弱遇風則眩勞則口舌生瘡胸常有痰日常赤瘡又一人脾虛發腫皆以八味丸而愈王太僕舊患脾服此丸十八年而康黃銀臺患脾服此將驗而他醫阻之反

用寒藥遂至不救蓋此丸用附子有功常驗人有不耐勞不能
食冷或飲食作脹大便不實或口舌常破如瘡服涼藥愈盛或
盜汗不止小便頻數腿腰無力或嘔津或呼吸覺冷氣入腹或
陰囊濕痒或手足冷或面白或黧黑或畏寒短氣以上諸症皆
屬虛甚非用附子不可夫附子一物大辛熱除三焦痼冷六腑
沉寒氣味勁悍有回陽之功命門火衰非此不補性雖有毒但
炮製如法或用甘草防風等同炒或童便久浸以去其毒復與
地黃等味同用以制其熱潤其燥緩其急假其克捷之功而駕
馭其慄悍之勢則雖久服亦有功而無害惟在善用之而已若
執泥有毒果有沉寒痼冷之疾棄而不用其能療乎觀東垣入
味丸論則較然矣

危證

郭職方名璉背瘡潰陷色紫舌卷予謂下陷色紫主陽氣脫舌
卷囊縮肝氣絕遂辭之經曰舌卷囊縮此筋先死庚日篤辛日
死果至立秋日而歿

一人腹患癰膿熟開遲脈微細膿出後瘡口微膿如蟹吐沫此
內潰透膜也予謂瘡瘍透膜十無一生雖以大補藥治之亦不
能救此可為待膿自出之戒也陸氏女初嫁患腰痛不腫脈沉
滑神思倦怠此為內發七情之火飲食之毒所致以托裏藥一
劑下痲膿升許陳良甫云瘡疽未潰內陷面青唇黑者不治果
楊錦衣脚跟生瘡如豆許痛甚狀似傷寒予謂獵人被兔咬脚
跟成瘡淫蝕為終身之疾若人脚跟患瘡亦終不愈因名兔咬
也遂以還少丹內塞散治之稍可次因納寵作痛反服攻毒藥
致血氣愈弱腿膝痿軟而死蓋足跟乃二踳發源之處腎經所

由之地若瘡口不合則蹻氣不能發生腎氣由此而泄故為終身之疾况彼瘡先得於虛復不知戒雖大補氣血猶恐不又安服攻毒暴悍藥以戕賊之乎

京師王大廣年踰六十素食厚味頰顯患毒未潰而肉先死脉數無力此胃經積毒所致然頰顯正属胃經未潰肉死則胃氣虛極老人豈宜患此予辭不治果死內經云膏梁之變足生大疔受如持虛

一男子患背疽肉黑陷下請治予謂經云疽者沮也熱氣純盛下陷肌膚骨髓枯內連五臟故堅如牛領之皮此精氣已竭安用治果死

卷終

外科心法卷之七

附錄前諸卷方并錄經驗方二十道

吳郡薛 已著

新都吳玄有校

托裏温中湯

丁香

沉香

茴香

益智仁

陳皮

木香

羌活

甘草多

乾薑

炮各一錢

附子

炮去皮臍各二錢

作一貼水薑煎服

六君子湯

人參

白朮

各二錢

茯苓

各二錢

半夏

陳皮

各一錢

甘草

各五分

作一貼薑棗水煎服

薛氏醫案

外科心法卷之七

十一

通百

內疎黃連湯 一名黃連內疎湯

黃連 山梔子 芍藥 當歸

薄荷各一錢 連翹 黃芩 甘草各一錢

大黃二錢 檳榔 桔梗各一錢

右剉每服五錢水煎服

十宣散 又名十奇散 一名內補散 此排膿消毒之劑 瘡瘍五六

治或久不潰及不作痛脈微數或大而 無方宜服托裏藥為主間服此藥

桔梗 人參 當歸 川芎各一錢

生粉草五分 黃芪鹽湯浸一錢 厚朴薑製 白芷

防風 桂各五分

右剉每服一兩水煎服

小柴胡湯

半夏二兩 柴胡半斤 黃芩 人參

甘草炙各二兩

每服一兩薑水煎服

防風通聖散

芍藥焙 芒硝 滑石煨 川芎

當歸酒洗 桔梗 石膏煨 荆芥

麻黃各四分 薄荷 大黃煨 山梔焙

白木焙 連翹 甘草炙 防風

黃芩焙各八分

作一劑水薑煎服

芎藭 茯苓 枳殼 前胡 柴胡

羌活 獨活 荆芥 防風各一錢

每服一兩水煎服

黃連解毒湯

黃芩 黃柏

黃連

山梔各一錢半

每服六錢水煎溫服

四物湯

當歸酒拌 川芎

芍藥

生地黄各等分

每服一兩水煎服

大黃牡丹湯

大黃四兩 牡丹皮三兩

芒硝二兩

桃仁五十箇

每服五錢水煎服

隔蒜灸法

用大蒜去皮切三文銅錢厚安瘡頭上用艾壯於蒜土灸之

至三壯換蒜片復灸瘡痛者灸至不痛不痛灸至痛未成者即消如瘡大用蒜搗爛攤患處將艾鋪上燒之蒜敗再換

消涼飲

連翹一兩

山梔子

大黃

薄荷葉

黃芩各五分

甘草一兩半

朴硝二錢半

每服一兩水煎服

十全大補湯

人參

肉桂

地黃酒洗蒸焙

川芎

白芍藥

茯苓

白朮

黃耆

甘草

當歸各等分

每服一兩薑棗水煎空心溫服

八珍湯又名八物湯

李氏醫安

外科心法卷之七

存... 補中益氣湯... 聖愈湯... 補中益氣湯... 聖愈湯... 補中益氣湯... 聖愈湯...

當歸 川芎 芍藥 熟地

人參 白朮 茯苓 甘草

每服一兩薑棗水煎空心溫服

加味十全大補湯

肉桂 地黃 川芎

白芍藥 茯苓 白朮 黃耆

甘草 當歸 烏藥 香附

每劑一兩薑棗水煎空心溫服

補中益氣湯

黃耆 一錢 甘草 五分 人參 三分 已上 橘皮 三分

升麻 二分 當歸身 二分 柴胡 三分 白朮 三分

作一貼用水二盞煎一盞空心熱服量氣虛實斟酌加減之

聖愈湯

熟地黃 生地黃 川芎 人參

當歸身 黃耆 各一錢

作一貼水煎

人參養榮湯

白芍藥 三兩 當歸 陳皮 黃耆 蜜炙

桂心 人參 白朮 甘草 炙各

熟地黃 五味 茯苓 各七錢 遠志 炒去心 半兩

每服一兩水薑棗煎遺精加龍骨咳嗽加阿膠

加減八味丸

大地黃 洗焙乾却用酒酒飯 山藥 山茱萸 去核取肉 焙各一兩

厚桂 去皮不見 白牡丹皮 澤瀉 水洗切作塊酒 蒸五次切焙

厚桂 火半兩 白牡丹皮 澤瀉 水洗切作塊酒 蒸五次切焙

白茯苓去皮焙各八錢 真北五味子畧炒一兩半
右為細末煉蜜圓如梧子大每服六十九五更初未言語前
用溫酒或鹽湯吞下
遠志酒不拘多少泔浸洗去土搥去心

右為末每服三錢用酒一盞調遲少頃澄清飲之以滓付患
處治女人乳癰尤效

黃耆建中湯

黃耆蜜製

肉桂去皮各三兩

甘草炙二兩

白芍藥六兩

每服一兩薑棗水煎服

內補黃耆湯

黃耆炙

麥門冬各一兩

熟地黄

人參

茯苓

甘草炙各

白芍

川芎

官注

遠志

當歸各五分

每服一兩薑棗水煎服

逍遙散

甘草一錢

當歸炒

芍藥酒炒

茯苓

白朮炒

柴胡各二錢

水一鍾煎八分去粗食遠服

柏子丸

柏子仁四兩

牛膝

卷柏各五錢

澤蘭葉

續斷各一錢

熟地黄一兩五錢

為末煉蜜丸如梧子大每服三十九空心米飲下

澤蘭湯

澤蘭葉三錢

當歸

芍藥各一錢五分

甘草五分

作一貼水煎溫服

連翹消毒散

連翹 一兩

山梔子

大黃

薄荷葉

黃芩 各五錢

甘草 一兩

朴硝 二錢

每服一兩水煎溫服

理中湯加附子名附子埋中丸

人參

乾薑 炮

白朮

甘草 炙

每服五錢薑棗煎服

二神丸

破故紙 炒 四兩

肉豆蔻 生 二兩

右為末大肥棗四十九枚生薑四兩切同煮棗爛去薑取棗肉研膏入藥圓如梧子大每服五十九粒湯下一方不用薑

竹葉黃耆湯

淡竹葉 二錢

生地黄

麥門冬 去心

黃耆 炙

當歸 酒洗

川芎

甘草 炙

黃芩 炙

芍藥 焙

人參

半夏 薑製

石膏 煨 各一錢

作一貼水煎食遠服

黃耆六一湯

黃耆 六錢

甘草 一錢

作一貼水煎食遠服

七味白朮散

白朮

茯苓

人參 各半兩

甘草 炙 一兩

木香 二錢

藿香 半兩

葛根 一兩

右為末每服五錢白湯調下

猪蹄湯

香白芷

黄芩

赤芍藥

羌活

生甘草

當歸

露蜂房

取有蜂兒者

右先將猪蹄一隻用水數碗熟煮取清汁分作二次用每次入前藥一兩煎十數沸去滓無風處淋洗死肉惡隨而下極效大乙膏

玄參

白芷

當歸

肉桂

大黃

赤芍藥

生地黄

各一兩

右為咀用麻油二斤煎至黑濾去渣入黃丹十二兩再煎滴水中成珠為度

補真丸

肉苁蓉

胡蘆巴

附子

陽起石

兔絲子

肉豆蔻

川烏

沉香

五味子

鹿茸

巴戟

鍾乳粉

右為末用羊腰子兩對治如食法葱椒酒煮搗爛入酒糊丸如梧子大每服七十九空心米飲鹽湯任下

玄參升麻湯

玄參

赤芍藥

升麻

犀角屑

桔梗

管仲

黃芩

甘草

作一貼水薑煎食後服

犀角升麻湯

犀角

升麻

防風

羌活

白芷

川芎

黃芩

白附子

甘草

升麻

白附子

每服一兩水煎熟入犀角末服
清胃散

生地黄

一錢酒洗

升麻

二錢

牡丹皮

一錢半

黃連

當歸

一錢酒洗

作一貼水煎食遠服

清咽利隔散

金銀花

防風

荊芥

薄荷

桔梗

黃芩

黃連

各一錢半

山梔

連翹

各二錢半

玄參

大黃

煨

朴硝

作一貼水煎服

聰耳益氣湯

黃耆

一錢

甘草

炙五

人參

三分

當歸

二分酒焙乾

橘皮

二分

升麻

二分

柴胡

三分

白朮

二分

葛蒲

防風

荊芥

作一服水煎空心服

防風通氣湯

羌活

獨活

各二錢

防風

甘草

炙

藜蘆

各一錢

川芎

五錢

蔓荊子

三錢

分二貼水煎服

豆豉餅

用江西豆豉為末唾津和作餅如錢大厚如三文置患處以艾壯炎之餅乾再用唾津和之如瘡大用水調覆患處以艾鋪上燒之

流氣飲

即十宣散加紫蘇烏藥枳殼檳榔芍藥木香

神效膏

小兒疳積散

八

神效膏

百氏醫林 卷之七
獨參湯

人參

作一貼水裏煎徐徐服若煎至稠厚即為膏矣

補腎丸

巴戟去心

山藥

補骨脂炒

小茴香炒

牡丹皮各五錢

肉苁蓉酒洗

枸杞子一兩

青鹽後入

為末蜜丸梧子大每服五十九丸空心鹽湯下

地骨皮散

人參

地骨皮

柴胡

黃耆

生地黄各一錢半

白茯苓

知母

石膏各一錢

水薑煎服

金鑰匙

煇硝一兩五錢

鵬砂五錢

腦子一字

白殭蚕炒一錢

雄黃二錢

各另為末以竹管吹入喉中立愈有涎吐出內服荆防散

必效散

南鵬砂二錢五分

輕粉一錢

麝香五分

巴豆皮五箇去心膜

白柘椰一箇

斑猫翅四十箇去頭同糯米炒

右同研極細取鷄子二箇去黃用清調藥仍入殼內以濕紙數重糊口毋令透氣蒸飯甑內候飯熟取出曝乾研末虛者每服半錢實者一錢用炒生薑酒五更初調服至天明惡物自下如覺小腹作痛使服棘麻子灰并末藥各等分研細用茶清調下一錢或益元散其毒俱從大腸而出胎婦勿餌更服益氣藥數十劑則瘡口自合氣血自充庶無變證矣

散腫潰堅丸

知母酒浸

黃柏酒浸

瓜蒌根酒洗

昆布

桔梗各半

廣茂

三稜酒洗

連翹各三錢

升麻六錢

黃連

白芍藥

葛根各三錢

草龍膽一兩

柴胡四錢

當歸酒洗

甘草三錢

黃芩稍洗

為末蜜丸如梧子大每服五十九丸滾湯下

香附餅

用香附為末酒和量瘡大小作餅覆患處以熱熨斗熨之

內寒散

附子炮

官桂去皮

赤小豆

甘草炙

黃耆鹽水

當歸酒洗

茯苓

白芷

桔梗

川芎

人參

遠志去心

厚朴薑製各

防風四錢

右為末每服二錢空心溫酒下

神效瓜蒌散

瓜蒌大者一箇

甘草半兩

川當歸半兩

沒藥另研

乳香各一錢

作一劑用酒三碗煎至二碗分三次食後飲相熱罨患處

黃連胡粉散

黃連二兩

胡粉一錢

水銀一兩同粉

三味相和用皮包裹熱援良久付患處

桃仁湯

桃仁

蘇木各一

生地黄錢五

蘇木各一

蜜蟲去足翅炒 水蛭各三十箇炒

每服三錢水一鍾煎六分空心服

沒藥丸

當歸 一兩

桂心

芍藥各半兩

桃仁去皮尖炒碎研

沒藥研各三錢

蜜蟲去足翅炒

水蛭炒各三十箇

右為末醋糊丸梧子大每服三五丸空心醋湯下

當歸丸

當歸 半兩

大黃

桂心各三錢

赤芍藥

亭蓼各二錢

人參 一錢

甘遂半錢

煉蜜為丸如彈子大空心米飲化下一丸

當歸散

當歸

川山甲灰炒

蒲黃各半兩炒

辰砂 一錢

少許

為末每服三錢熱酒調下如不飲酒薄荷醋湯亦可

瓜子仁湯

薏苡仁四錢

桃仁去皮尖

牡丹皮

瓜蒌仁各三錢

作一貼水煎食前服

瀉白散

桑皮炙

桔梗

括蕁實

升麻

半夏

杏仁去皮尖炒

地骨皮各一錢

甘草五分

作一貼薑水煎服

神仙活命飲

專治一切癰疽腫毒

川山甲蛤粉炒黃色

甘草節

防風

沒藥

赤芍藥

白芷各六分

當歸尾

皂角刺各一錢

蘇氏醫法

卷之七

蘇氏醫法

乳香 一錢

天花粉

貝母 各八錢

金銀花 三錢

陳皮 三錢

作一服用酒一大碗同入瓶內紙糊瓶口弗令泄氣慢火煎數沸去粗病在上食後服病在下食前服能飲酒者服藥後再飲三杯尤好

詩 真人妙訣世間稀 一切癰疽總可醫

曰 消毒如同湯沃雪 化膿立見肉生肌

蠟礬丸

白礬 一兩明亮 黃蠟 一兩黃色好者 溶開候溫

二味勻和丸梧桐子大每服十九丸漸加至二十九丸熟水或溫酒送下瘡未成肉消已破即合如服金石而至此疾者更用礬末一兩每服一錢以溫酒調下有遍身生瘡狀如蛇頭名

曰蛇頭瘡服此尤效東垣丹溪俱稱奇方但日服百粒方有力也此藥能防毒氣內攻又能護膜不可以其輕微而忽之 一方治蛇咬亦用白礬溶化熱滴傷處毒即出痛即止

四君子湯

人參 茯苓 白木 各二錢 甘草 各五分

姜水煎服

人參敗毒散

人參 羌活 獨活 前胡 柴胡 枳殼 桔梗 川芎 茯苓 甘草 各一錢

作一貼水煎服

清咽消毒散

即荆防敗毒散加芩連硝黃

金黃散

神效醫案

神效醫案

神效醫案

滑石 甘草

各為末等分付搽

龍膽瀉肝湯

柴胡

澤瀉各一錢

車前子

木通各五分

生地黄

當歸尾洗酒

草龍膽酒浸炒黃 色各三錢

作一貼水煎食前服

神異膏

露蜂房蜂兒多者一兩

全蛇蛻鹽水洗淨 焙乾半兩

杏仁去皮尖

玄參半兩

綿黃耆三分

黃丹兩

真麻油一斤

男子亂髮洗淨如雞子大

先以玄參杏仁黃耆入油煎至將黑色方入蜂房蛇蛻亂髮再煎至黑色濾去粗徐徐下黃丹慢火煎以柳枝不住手攪

滴水不中不散即成膏矣

冲和膏

治一切瘡腫不甚嫩熱積日不消

紫荆皮炒五兩

濁活去筋炒 二兩

赤芍藥炒二兩

白芷一兩

菖蒲一兩

右為末葱頭煎湯調搽

神功散

黃栢炒

川烏炮

各等分為末唾津調付

大連翹飲

連翹

瞿麥

荆芥

木通

赤芍藥

當歸

防風

柴胡

滑石

蟬蛻

甘草炒各一錢

山梔

黃芩各五分

為細末每服一之錢滾湯調
通氣散

玄胡索一兩五錢 猪牙皂角 川芎各一兩 羊躑躅二錢五分

右為細末以紙撚蘸少許入鼻內取嚏為效

羌活勝濕湯

羌活去芦 獨活去芦各一錢 藁本 防風去芦各半錢

川芎二分 甘草炙半錢 蔓荊子二分

作一貼薑水煎服

附子八物湯

附子炮 乾薑炮 芍藥炒 茯苓

人參 甘草炙各一錢五分 肉桂一錢 白朮二錢

作一貼水煎食前服

加減小續命湯

麻黃去節 人參 黃芩 芍藥

甘草 杏仁去皮尖麩炒 防已 肉桂各一兩

附子炮去皮臍五錢 川芎 防風各一兩五錢

每服一兩薑水煎服

活寄生湯

白茯苓 杜仲 當歸酒洗 防風 白芍藥

人參 細辛 桂心 熟地黄 牛膝

秦艽 芎藭 桑寄生 甘草各二兩 獨活三兩

薑水煎服每服一兩

四生散

白附子 黃耆 獨活 沙苑疾藜

為末各等每服二錢用猪腰子一箇批開入藥濕紙包裹煨
熟細嚼鹽湯下風癱酒下亦效

八風散

藿香 半斤

白芷

前胡 各一

黃耆

甘草

人參 各二

羌活

防風 各三

右為末每服四錢薄荷煎滾湯調服

人參荆芥散

荆芥穗

人參

桂心

生地黄

北柴胡

鱉甲 醋炙

枳殼 麩炒

酸棗仁 炒

鉛羊角 剉細

白朮 各二錢

川芎

當歸

防風

甘草 各一分

分二貼水薑煎服

治風散

荆芥穗

甘草 炒各

陳皮 焙半

人參

白僵蚕 炒

茯苓

防風

芎藭

藿香

蟬蛻 各一

厚朴 半兩

羌活 一兩

右為末每服三錢茶清調下瘡癬温酒下

何首烏散

何首烏

防風

蒺藜

枳殼

胡麻子

天麻

僵蚕

芫蔚子 各等

每服五錢茵陳湯調下

神效當歸膏

當歸

黃蠟 各一兩一方

麻油 四兩

先將當歸入油煎至黑慮去入蠟溶化即成膏矣

神效當歸膏

左

神效當歸膏

乳香定痛丸

乳香

沒藥各另研

羌活

五靈脂

獨活各三

川芎

當歸

真蘇豆粉

交趾桂

川白芷

白膠香各半

右為末煉蜜丸如彈子六每服一九細嚼薄荷湯送下手足損痛不能舉動加草烏用五錢鹽湯下

五積散

蒼朮十二兩

桔梗十兩

陳皮六兩

白芷

甘草炙

當歸

川芎一兩

芍藥

半夏

茯苓各二兩

麻黃去節二兩

乾薑春夏兩兩 秋冬二兩

枳殼

桂心

厚朴薑製各二兩

每服一兩水薑棗煎食前溫服

舒筋湯

片子薑黃

甘草炙

羌活各一錢

當歸酒洗

赤芍藥

白朮

海桐皮各一錢

作一貼薑水煎服

四生丸

地龍去土

白附子

五靈脂

草烏去皮尖

薑蚕各等分

右為末用米糊丸如梧子大每服二十九茶酒任下或作末酒調服亦可

大防風湯

熟地黃酒洗一兩

白朮二兩

羌活一兩

人參一兩

川芎

附子炮去皮臍一兩半

防風二兩

甘草炙一兩

薛氏醫案

外科心法卷之七

共

盈百五

附方醫書 卷之七

牛膝酒浸一兩 川當歸酒浸 黃耆炙 杜仲薑製

白芍藥各二兩

每服一兩水薑煎服

蘆薈丸

大皂角 青黛 蘆薈研 硃砂另研

乾蝦蟆同皂角燒存性一兩 麝香一錢

右為末蒸餅糊丸如麻子大每服二十九空心米湯下

當歸拈痛湯

羌活半兩 人參 苦參酒製 升麻

葛根 蒼朮 甘草炙 黃芩酒製

知母酒炒 猪苓 茵陳葉 白朮各二錢

澤瀉 當歸身各三錢

每服一兩水煎空心并臨睡服

清震湯

升麻 柴胡 蒼朮 黃芩各半錢

甘草各二分 藁本二分 當歸身二分 麻黃根

防風 猓各二分 羌活 酒黃蘗各一錢

紅花五分 澤瀉四分

作一服水煎臨睡服

補肝湯

黃耆七分 人參 葛根 白茯苓各二分

升麻 猪苓各四分 柴胡 羌活

知母 連翹 澤瀉 當歸身

防風 蒼朮 麴末 炒黃蘗

氏醫書 卷之七 盈百六

陳皮名二分 炙甘草半錢
作一服水煎空心熱服

芍藥湯

芍藥 四錢
當歸
連黃
黃芩
官桂各二錢 板榔一錢二分 甘草炙一錢 木香八分

分二貼水煎服如後重加大黃臙毒加黃栢
清燥湯

白朮 黃耆 黃連各一錢 蒼朮一錢
白茯苓 當歸 陳皮各一錢 生地黄
人參各七分 神麴炒 猪苓 麥門冬去心
黃栢酒炒 甘草 澤瀉各半錢 柴胡

升麻各三分
作一服水煎服

黃連丸

用黃連吳茱萸各等分用湯漉過罨一二日同炒揀去各另
為末米糊為丸如梧子大每服二三錢糞前紅服茱萸丸糞
後紅服黃連丸俱酒下
黃連遺毒散方見第二卷

還少丹

肉蓯蓉 遠志 茴香 巴戟
枸杞子 山藥 牛膝 熟地黄
石菖蒲 杜仲 五味子 白茯苓
楮實子 山茱萸

另為末各等分用棗肉同蜜丸如梧子大每服五十九空心酒下

嗜葱丸

肉桂

乾薑炮各二兩

蒼朮

甘草炙各半斤

縮砂

丁皮

檳榔各四兩

蓬朮

三稜煨

茯苓

青皮去白各六兩

延胡索二兩

為末每五錢葱湯空心調服

葫蘆巴丸

葫蘆巴炒一斤

茴香去脾炒十二兩

吳茱萸湯洗七次炒十兩

川練子炒一斤二兩

大巴戟去心炒

川烏炮去皮尖各六兩

右為末酒糊如梧桐子大每服十五丸空心溫酒下小兒香湯下

揚腫湯

甘草

乾漆各三兩

黃芩

生地黃

當歸

川芎各二兩

鱉甲炙五兩

用水數碗煎良久去粗榻洗患處

菖蒲散

菖蒲

當歸炒各二兩

秦艽三錢

吳茱萸兩半製

每服一兩葱水煎空心服

清心蓮子飲

黃芩五錢

黃耆蜜炙

石蓮肉去心

赤茯苓

人參各七錢半

甘草炙

車前子炒

麥門冬去心

地骨皮各五錢

每服一兩水煎服發熱加柴胡薄荷

斑龍丸

鹿茸

酥炙 為末

山藥

為末

熟地黄

酒蒸 搗膏

栝子仁

搗膏

兔絲子

各等分

蜜丸 梧子大每服八十九空 心搥湯下

滋腎丸

肉桂

半錢

黃栢

兩酒 陰乾

知母

二兩酒 浸陰乾

為末 滾湯丸如梧子大每服八十九百沸湯下

茯兔丸

兔絲子

五兩

白茯苓

二兩

石蓮肉

去心 三兩

酒糊丸 梧子大每服五十九空 心搥湯下

復元活血湯

柴胡

五錢

天花粉

當歸

各二錢

紅花

甘草

各二錢

川山甲

二錢 炮

大黃

酒浸 一兩

桃仁

酒浸 五錢 研如泥

每服一兩水煎食前服

沒藥降聖丹

自然銅

火煨 醋淬 十次 為末 一兩

川烏頭

炮去 膽

骨碎補

炙

白芍藥

沒藥

另研

當歸

焙

乳香

各研

生地黄

川芎

蘇木

各一兩

右為末 生薑汁與蜜和丸 每一兩作四丸 每服一丸 水酒各

半盞煎至八分 空心熱服

乳香定痛散 治諸瘡潰爛疼痛 諸藥不應有效

乳香

沒藥

各二錢

滑石

寒水石

煨各 四錢

冰片

一分

右為細末 搽患處 痛即止

青州白丸子

白附子 二兩

半夏

薑製

南星 二兩

川烏

炮去皮尖

右為用糯米糊丸如菉豆大每服二十九生薑湯下癰瘰温

酒下小兒驚風薄荷湯下

失笑散 治證最多詳見婦人良方

五靈脂

蒲黃

炒各等分

右為末每服二錢醋湯調服

解毒散

黃連

黃丹

松香 各五錢

輕粉

雄黃 各一錢

為末用麻油調搽

五福化毒丹

玄參

桔梗 各一兩半

茯苓 二兩半

人參

牙硝

青黛 各一兩

甘草 七錢半

麝香 炒

金銀箔 各十片

右為末煉蜜丸芡實大每服一丸薄荷湯化下痘毒在攻口

齒生瘡以生地黃汁化服及用鷄翎付患處

連翹丸

連翹

桑白皮

防風 去芦

黃柏

肉桂 去粗皮

白頭翁

香豉

獨活

秦艽

牡丹皮 各兩半

海藻 二錢半

右為末煉蜜丸如菉豆大每服十九燈心湯下

金銀花散

金銀花

黃耆

當歸

甘草 各等分

小兒驚風

小兒心法卷之七

五

盈百三

右為細末每服一錢滾湯調入酒少許服
葛根橘皮湯

葛根

陳皮

杏仁去皮

麻黃去節

知母

黃芩

甘草各等分

每服二錢水煎服

龍膽丸

龍膽草

升麻

防風

苦練根皮

赤茯苓

蘆薈

油髮灰各二錢

青黛

黃連各三錢

豬膽浸糕丸如麻子大每服二十九薄荷湯下

地黃清肺飲

桑白皮半兩 紫蘇

前胡

防風

赤茯苓

黃芩

當歸

連翹

天門冬去心

桔梗

甘草

生地黄各一錢

每服三錢水煎食後服次進化蠶丸

化蠶丸

蕪荑

青黛

蘆薈

蝦蟇灰

川芎

白芷

胡黃連各等分

豬膽浸糕丸如麻子大每服十九食後并臨卧杏仁湯下

大蘆薈丸

胡黃連

黃連

蘆薈

木香

白蕪荑

青皮

雷丸用白者

鶴虱各半兩炒

麝香二錢另研

用粟米飯丸菘豆大每服一二十九米飲下

李氏醫案

小兒心法卷之二

三

卷之二

六味地黃丸

熟地黃八錢酒酒搗膏

山藥

山茱萸肉各四錢

牡丹皮白者

澤瀉

茯苓各三錢

和勻入蜜少許丸梧子大每服四五十九空心鹽湯下

槐花酒

用槐花四五兩炒微黃乘熱入酒二鍾煎十餘滾去粗熱服未成者二三服已成者一二服胃寒者勿服

黃連消毒飲

即黃連消毒散方見第一卷

紫金錠

一名神仙追毒丸又名太乙丹治一切癰疽

五倍子焙二兩

山茨菇焙二兩

麝香三錢別入

紅牙大戟焙一兩半

隨續子去殼去油一兩研入

右除續隨子麝香外三味為細末却入研藥令勻用糯米煮

濃飲為丸分為四十錠每服半錠各依後項湯使服如治一切藥毒蠱毒瘴氣喫死牛馬駝騾等肉毒發惡瘡癰疽發背無名疔腫及蛇犬惡蟲所傷湯燙火燒急喉閉纏喉風諸般頭風牙疼用凉水磨搽并治四時瘟疫感冒風寒暑熱悶亂及自縊溺水鬼迷驚死未經隔宿心頭微溫並用凉水磨灌良久復甦男子婦人急中顛邪鬼氣狂亂及打撲傷損中風中氣口眼喎邪牙關緊急語言蹇澁筋脉攣縮骨節風腫手脚疼痛行履艱辛應是風氣並用熱酒磨服小兒急慢驚風入疳五痢脾病黃腫癰疹瘡瘤並用蜜水磨服并搽有效諸般瘡疾不問新久發日用桃柳枝煎湯磨服

玉真散

天南星

防風各等分

右為末每服一錢温酒送下患處亦當以此敷之若牙關緊急腰背反張者再加一錢用童便調服雖內有瘀血亦愈至於昏死而心腹尚温者則連進二服亦可保全又能治顛狗咬傷其法用口噙水洗淨搽之衛生寶鑑名定風散即此也

奪命丹

蟾酥

輕粉各半錢

硃砂三錢

白礬枯

寒水石煨

銅綠各一錢

蝸牛別研二分十一箇

沒藥

乳香

麝香各一錢

將蟾酥用酒浸化和丸如菉豆大每服二丸温酒下葱湯亦可

扶苓丸

扶苓一兩

手夏二兩

枳殼五錢

風化朴硝一兩

薑汁糊丸梧子大每服二十九丸食後薑湯下

控涎丹

詳見痰飲門

甘遂去心

大戟

真白芥子各等分

糊丸梧子大每服五七丸臨卧薑湯服

製甘草法

詳見外科精要

每大甘草一兩用澗水一碗浸透以慢火炙乾仍投前水浸透再炙至水乾為度却判細用無灰酒一盃煎至七分去粗空心飲之

五苓散

澤瀉一錢二分

肉桂五分

白朮

赤茯苓

猪苓各一錢

作一貼水煎服

忍冬酒

一名金銀花一名鷺鷥藤詳見外科精要

忍冬

金銀花

鷺鷥藤

外科精要

忍冬藤

生者四兩如乾者只用一兩搗

大甘草節

一兩

二味入砂器內以水二盃慢火煎至一盃再入無灰酒一盃

再煎十餘沸去粗飲之粗敷患處

回陽玉龍膏

治癰腫堅硬不痛肉色不變久而不潰或潰而不飲或骨變骨痛及一切冷症

草烏

三兩

南星

一兩

軍薑

二兩

白芷

一兩

肉桂

半兩

赤芍藥

一兩

為末葱湯調搽

蛇床子散 治一切風癰疥癩

蛇床子

獨活

苦參

防風

荆芥

枯礬

銅綠

各一兩

各另為末麻油開搽

終

